

Segun Corte: Noticiero mester rectifica declaracion contra ex minister Endy Croes



Pagina 2

- **Minister Dowers ta lamenta mal informacion di presidente di SPA**

Pagina 6

- **FDA ta aproba vacuna di COVID-19 actualisa cu limite pa algun mucha y adulto**

Pagina 7

- **Corsou ainda ta bao gobernacion di leynan di siglo 19**

Pagina 8

Finanzas di gobierno ta keda bou di presion, a pesar di aumento den ingresonan



Pagina 4



Pagina 11

Colombia:
Habitantenan di pueblonan a secuestra 34 soldad



Pagina 24

Presidente di Turkia ta revela sistema di defensa aereo "Steel Dome"

Fraccion MEP no ta sostene presupuesto complementario 2025

“Un presupuesto cu no ta tene suficientemente cuenta cu bienestar di pueblo”

Den ultimo dlanan tras di lomba, Parlamento a trata e presupuesto complementario pa aña 2025. Riba su mes esaki no ta un ley complica, un presupuesto complementario ta trece algun cambio cu gobierno ta premira riba e presupuesto cu ya el a haya aprobacion caba.

Parlamentario Evelyn Wever-Croes a expresa cu loke a resalta si durante e reunion aki ta lo siguiente:

Gobierno nobo ta sigui cu maneho di gobierno anterior; Interesante ta cu gran mayoria di e ministernan riba gran mayoria di areanan a indica di ta sigui cu e maneho di Gabinete Wever-Croes I y II, cual ta hopi bon paso esaki ta continuidad y ta muestra cu Gabinete Wever-Croes a goberna bon.

Lamentable si ta e nivel di parlamentarionan di AVP y Futuro durante e reunion, mirando cu tur a ataca e gobierno anterior insinuando cu pa 7 aña largo nan no a haci nada bon pa Aruba. Despues cu nan a critica e gobierno di Gabinete Wever-Croes,

e ministernan a indica di ta sigui cu e maneho cu e gobierno anterior tabata hibando, refutando asina e atakenan hopi infantil di parlamentari- onan di AVP y Futuro.

Tin surplus pero toch no ta tene suficientemente cuenta cu costo di bida halto

Den e presupuesto gobierno no ta tene mucho cuenta cu e peso financiero di inflacion. gobierno sa cu tin inflacion y cu costo di bida a aumenta na Aruba. Pero no tin niun plan pa cu esaki. Por ehempel na momento cu Minister Geoffrey Wever bou gobierno di Gabinete Wever-Croes a tuma e decision di hisa e prijs di gas sin cu tin mester, ministerraad e tempo ey a oponer. Su reaccion tabata cu e ta minister di economia y ley ta bisa cu e por haci'e. E tempo aki a bis'e pa bin cu un compensacion, un tipo di subsidio, pa famianan cu no por carga e gasto aki di cual el a nenga y bisa cu e lo bin cune den gobernacion cu AVP. Mientrastanto ta 5 luna caba di cual 2 biaha el a bay Parlamento pa presupuesto y no a bin cu niun compensa-

cion. Esaki ta djis un ehempel, asina tin hopi mas.

A corta 3 miyon florin di salario di maestronan, pa paga salario astronomico na coordinadornan den Bestuurskantoor

Den e presupuesto, ta corta 3 miyon den salario di e docen- tenan y maestronan. Pero di otro banda a presupuesta miyones pa paga e coordi- nadornan cu ta traha cu nan den Bestuurskantoor di cual nan salario pro medio ta 9000 florin. Esaki sigur no ta acep- tabel.

AVP y Futuro a vota contra TUR mocion di MEP sin motibo

Parlamentario Wever-Croes tambe a indica cu fraccion di MEP a presenta 14 mocion di cual tur e parlamentari- onan di AVP y Futuro a vota contra sin duna splicacion. E mocionnan ta hopi bon hinca den otro y parlamentarionan di MEP lo elabora riba cada un den e siguiente dlanan.

Di nan banda nan a bin cu un poco mas di 20 mocion cu varios fraccion di MEP a sos- tene. Esunnan cu fraccion di



MEP a bay contra ta paso nan ta contra ley, maneho y trata- donan internacional. Nos ta un partido serio y no por sos- tene mocionnan contra ley.

“Di nos banda nos a muestra e interes y madurez politico paso nos ta traha cu curason pa pais Aruba. A pesar cu nos ta den oposicion aworaki, nos lo sigui traha na bienestar di e pueblo. A pesar cu nan no

a sostene e mocionan, nos lo sigui lucha paso ta bay yega un momento na unda cu nan lo mester sostene nan. Aworaki tin placa, tin un surplus pues ta momento pa duna bek. Lamentablemente e presupuesto cu AVP/Futuro a presenta no ta tuma cuenta cu duna bek na esnan mas vulnerabel den comunidad” Parlamentario Wever-Croes a expresa.



Den medionan di comuni- cacion local ayera a circu- la informacion indicando cu Corte Comun di Hus- ticia a duna un sentencia parcialmente na favor di ex-minister di Enseñansa y Deporte, Endy Croes

(MEP) den un caso cu e ex-mandatario a entama contra noticiero 24ora. Corte a duna ordo pa e website rectifica algun ponencia den su articulo tocante e mandatario.

Segun Corte: Noticiero mester rectifica declaracion contra ex minister Endy Croes

Tabata dia 12 di augustus ul- timo cu Corte a duna un ve- redicto den e caso di Croes contra 24ora, pa un articulo den cual a noticiero a bisa cu Croes y su famia a enrikece nan mes cu placa di Funda- cion Lotto pa Deporte.

Segun e veredicto, e acusa- cion aki ta factualmente in- corecto, y ta daña honor y reputacion di Croes. Pa e motibo aki, corte a duna ordo na 24ora pa publica un rectificacion riba su website dentro di un luna. E rectifica- cion mester declara cu nunca Croes a keda condena crimi- nalmente, y cu proceduranan civil anterior no a establece cu Croes ni su famia a en- rikece nan mes.

E caso ta bay back na 2010, tempo cu Croes, director general di Fundacion Lotto pa Deporte, a haya retiro pa medio di un decreto di hues

basa riba un rapport di in- vestigacion di accountants Ernst & Young Aruba (EY) alegando irregularidadnan fi- nanciero. Pa sanea su nomber Croes ta entama na 2015 un caso contra EY pa actonan ilegal, cual demanda ta ser otorga den Corte di Apela- cion na 2018. Ta keda consta- ta cu durante e investigacion a comete fayonan, entre otro door di no atene na e proce- dura di scucha tur dos banda. A pesar cu e veredicto tambe a ser ratifica den Corte di Ca- sacion, EY a keda mantene su posicion tras di e contenido di su rapport.

Aña pasa caba tabatin sen- tencia di hues den e caso unda Croes a expresa obhe- cion contra e ponencianan di 24ora den articulo publica entre april y mei di 2024, bisando cu a keda proba le- galmente cu Croes y su famia a enrikece cu placa di Funda-

cion Lotto pa Deporte. Den e caso aki a considera impor- tante cu ningun corte a yega di duna veredicto cu ni Croes ni su famia a enrikece nan mes personalmente, mientras cu dia 22 di april 2024, 24ora. com a publica cu proceduran- an di apelacion y casacion a “proba legalmente” cu Croes y su famia a enrikece cu placa di e fundacion. Sinembargo, den e veredicto di 12 di juni 2024, no a duna orden na e noticiero pa rectifica, pasobra hues a considera cu e declara- cionnan tabata “impreciso” pero no tabata “falso of ilegal” di un manera cu ta rekeri rec- tificacion.

Pero segun medionan local a reporta, e luna aki sentencia di hues ta duna ordo pa haci e coreccion toch pa e declara- cionnan contra e actual parla- mentario di MEP.

Segun parlamentario Dangui Oduber:

Gabinete Wever-Croes a laga tur cos cla pa ehecuta cambio pa un miho estructura di salario di maestro, pero gobierno actual no kier implement'e

Durante tratamiento di presupuesto complementario 2025 recientemente fraccion MEP a entrega un mocion pa implementa un estructura di salario nobo pa maestro cu lo conduci na un aumento di salario pa un porcentahe halto di maestro. E mocion aki a ser desapobra pa falta di apoyo di parti di fraccionnan di coalicion, AVP y FUTURO.

Parlamentario di fraccion MEP, Dangui Oduber a publica e mocion riba su pagina di oficial di Facebook indicando cu aunke emocion aki no a ser aproba, nan lo sigui traha pa e maestronan ricibi e aumento cu nan merece. Bon Dia Aruba a tuma contacto cu parlamentario Oduber pa realisa algun pregunta relaciona na e mocion aki.

Den e mocion di fraccion MEP, entrega pa parlamentario Edgard Vrolijk, ta splica cu desde 2017 tin na Parlamento e ontwerp-landsverordening functiehuis onderwijspersoneel (concepto di ordenansa nacional riba e clasificacion di trabou di personal di enseñansa) pa maestronan, cu no a ser trata ainda pa motibonan di complicacion den ehecucion y falta di fondonan. Tampoco no tabatin un bista cla di futuro pa su impacto riba pais Aruba.

Na april di 2018 Parlamento di Aruba a aproba e mocion IS/17-18/727, na unda cu Parlamento a urgi gobierno pa mientras ta implementa un solucion structural pa salario di maestronan, pa amplia



e tasa di edad pa maestronan di 38 aña pa 46 aña.

Segun e mocion ta indica, ex-minister di Enseñansa, Endy Croes, a cuminsa na aña 2023 un proceso nobo pa traha riba salario di docentenan, pero e implementacion di esaki no a ser formalisa pa motibo di cambio di gobernacion.

Segun e parlamentario di MEP ta indica den e mocion, gobierno anterior a aloca e fondonan necesario pa haci esaki posibel, pero e minister actual di Enseñansa, Gerlien Croes, a dicidi pa no formalisa e proceso di 2023 di ex-minister y a institui un comision nobo pa un posibel estructura salarial nobo.

Den e mocion ta sigui splica cu alargando e implementacion di un estructura salarial den pasado a perhudica caba un grupo grandi di docentenan cu ya a bay cu pensioen wardando esaki y alargando

e proceso un biaha mas e proceso aki lo perhudica docentenan actual cu a supera e edad di 38 aña den e oportunidad husto di por mehora nan salario.

E mocion ta enfatisa cu e aumento di 38 aña pa 46 aña ta duna maestro mas siguransa riba un estructura salarial fiho, mientras tanto, den cuadro di e functiehuis (cas di funcion) y e proposicionnan di ex-minister di Enseñansa na 2023. Ademá, parlamentario ta agrega den e mocion, considerando tambe cu e indexering recien di 11,7% y cu hopi docente a yega su plafond den functiehuis, e opcion di 2023 ta keda un alternativa factibel y realistico pa asina e salario di docente por sigui crece na un manera structural.

Por ultimo ta enfatisa cu den bista cu situacion financiero di pais Aruba den 2025 y siguiente añanan tin suficien-

te espacio financiero pa ehecuta un aumento salarial di maestronan unda ta aumenta e edad di 38 pa 46 aña pa nan plafond salarial. Alabes MEP ta urgi gobierno pa entrante 1 di januari 2026 e maestronan por tin un speranza realistico cu nan lo ricibi un aumento salarial despues di 38 aña.

E preguntanan cu Bon Dia Aruba a manda parlamentario Dangui Oduber di fraccion MEP ta directamente relaciona na e mocion aki. Primeramente a puntra Oduber, mirando cu tin algun persona ta bisa cu Gabinete Wever-Croes no a yuda e maestronan durante nan tempo na mando, y awor ta entrega un mocion pa esaki, si e por elabora riba esaki; a puntra tambe di unda e fondo lo mester sali pa ehecuta e cambio aki; kico ta e motibo cu AVP y Futuro a rechasa e mocion; y si cu e cambio di estructura di salario ta spera cu por yuda alivia e problema di escasez di maestro cu tin.

Den su contesta parlamentario Oduber a splica cu Gabinete Wever-Croes a percura pa forma un comision cu a haci un estudio y prepara diferente escenario pa asina percura pa un mihor estructura di salario, cual e gabinete a laga atras cla pa ehecuta.

El a sigui splica cu tambe nan a percura pa crea e espacio financiero necesario pa por realisa esaki. "Lagando 500 milyon florin atras di surplus nos ta convenci cu tin suficiente espacio pa cambia e estructura di salario na uno mas husto," el a enfatisa.

Tocante kico ta e motibo cu fraccionnan di coalicion AVP y Futuro a rechasa, el a splica cu nan a rechasa e mocion pasobra nan kier pa institui nan propio comision y kier cuminsa henter e trabou di nobo, cual el a subraya no ta necesario.

No ta un secreto cu Aruba tin escasez di maestro. Contestando e pregunta si e cambio di estructura cu MEP a propone den nan mocion lo yuda alivia e problema di escasez, parlamentario Oduber a indica cu no tin ningun incentivo pa atrae maestronan nobo, ni tampoco incentivo pa mantene esunnan actual motiva. Pa motibo e ta segura cu e cambio proponi lo yuda crea e incentivanan nobo aki.

Durante un conferencia di prensa recien minister di Enseñansa Gerlien Croes a trece dilanti e tema di escasez di docente y a splica cu e reto pa atrae docente den e veld no ta algo cu ta conoci como un reto awor, e ta un reto pa hopi aña caba cu mester di solucion.

"Mi ta kere e incentiva necesario y e reconocimiento necesario di e trabounan di nos maestronan ta hunga un rol hopi grandi pa atrae nan pa haci e trabou aki. E veld aki ta carga tur cos pa nos, ora cu bo wak cu pa tanto aña docentenan a boga berdad pa nan ser recompensa debidamente salarialmente pero no a logra ainda, esey tambe ta un desapunto pa nan," el a indica.

El a remarca cu ta importante pa haci e estudio pa docente atractivo y pa inverti den dje. No ta na Aruba so, Hulanda tambe tin reto pa haya docente. Ta conoci pa basta aña cu Aruba ta duna dispensatie pa docentenan cu yega edad di pensioen pa toch nan sigui yuda nos. Ta duna tin biaha depende e tipo di opleiding y e ekipahe cu persona ta bin cune, cu toch e por duna tambe tin biaha dispensacion.

"Nos tin hopi pa haci y tin hopi pa atende cune pasobra nos mester atende cu esaki pa por flexibilisa e peso laboral di e docentenan tambe cu nan ta hay'e atractivo pa bay den e veld," minister Croes a enfatisa.



Finanzas di gobierno keda bou di presion, a pesar di aumento den ingresonan

Manera ya caba publica den nos edicion di ayera, Gobierno di Aruba a publica su uitvoeringsrapportage pa e di dos kwartaal di 2025, cu ta duna un bista claro riba e situacion financiero di e sector colectivo. E rapport ta inclui institucionnan esencial manera AZV, SVB, ATA, Serlimar, SEPB y Universidad di Aruba, hunto cu mesun gobierno.

E uitvoeringsrapportage ta muestra un panorama mescla di progreso y reto. Mientras cu algun institucion a logra estabilidad, otro tin un desafionan creciente entre gasto y ingreso. Aruba mester busca un balansa duradero pa proteha servicio publico vital sin pone risiconan a largo plaso riba su estabilidad financiero.

E sector colectivo ta forma parti di tur cos cu tin impacto directo riba bida di pueblo Arubano: salud, pensioen, turismo, limpieza publico y educacion. Esakinan no solamente ta absorbe gran parti di e presupuesto nacional, pero tambe ta garantiza bienestar social y desaroyo humano.

E rapport ta señala cu e cifranan preliminar pa e prome mita di 2025 ta refleha

tanto fortaleza como fragilidad. Gobierno a admiti cu no tur entidad a manda na cifranan completo. Serlimar, por ehempel, no a entrega informacion actualisa, loke ta limita transparencia den maneho di desperdicio. Den contraste, AZV, SVB y ATA a duna un descripcion mas profundo, un paso pa trece mas claridad y confianza.

AZV: Gastonan di salud ta sigui subi

Segun e rapport ta indica sistema di seguro di salud na Aruba, cual ta ser maneha pa AZV, ta sigui carga hopi peso riba finanzas publico. Gasto ta sigui subi mas lihe cu ingreso, principalmente pa motibo di demanda grandi pa cuido medico specialisa y cambianan demografico.

Gobierno ta adverti cu sin medidanan structural — manera revisa tarifican medico, promove cuido preventivo y posiblemente ahusta contribucion — e sostenibilidad di sistema por keda den riesgo.

SVB: Pensioen y beneficiacion social bou di presion

Banco di Seguro Social (SVB) ta otro pilar cu ta sinti presion

grandi. Cu mas hendenan ta retira y menos hendenan ta contribui, e balansa entre ingreso y gasto ta bira mas dificil pa sostene.

Den e rapport, SVB a muestra algun mehoramento den coleccion di contribucion y maneho interno. Pero realidad demografico ta cla, e sistema tin mester di reforma. Discusion ta keda abierto tocante posibel ahustacion di edad di pensioen, cambia formula di beneficio, of busca otro modelo di financiamiento.

ATA: Turismo ta sigui duna estabilidad

Aruba Tourism Authority (ATA) ta muestra un panorama mas positivo. Turismo, cu ta motor principal di economia, a sigui genera ingreso fuerte durante e dos kwartaal di 2025.

Bishitanan di Norte America y Europa a sigui crece, y e ta refleha den mas coleccion pa toeristenheffing y otro contribucion. Esaki a permiti ATA inverti mas den campanan promocional y proyectonan pa sostene turismo duradero.

Pero e rapport ta adverti cu dependencia exclusivo riba

Tabel 5.1: Exploitatieresultaat collectieve sector per 30 juni 2025
bedragen x Afl. 1.000

	Opbrengsten t/m 30 juni 2025	Kosten t/m 30 juni 2025	Resultaat t/m 30 juni 2025	Projectie voor het jaar	Begroting 2025 voor het jaar
LAND ARUBA	1.012.145	797.174	214.971	133.553	133.553
AZV	314.670	270.562	44.109	86.249	57.126
SVB	264.574	208.156	56.418	57.160	57.160
ATA	82.479	39.075	43.404	9.466	9.466
SERLIMAR	8.186	7.751	435	1.741	1.741
SEPB	13.653	13.501	153	153	(478)
UA	7.391	9.428	-2.037	81	81
Consolidatieverschil	-16.352	-17.853	1.501	-18.000	-
Totaal	1.686.747	1.327.794	358.953	138.886	258.649

turismo ta fragil. Shock externo — economia mundial, politica internacional — por afecta e ingreso rapidamente. Pa e motibo ey, gobierno ta insisti riba diversificacion di economia.

Serlimar: Falta di transparencia

Un punto preocupante den rapport ta cu Serlimar no a entrega datonan actualisa pa e periodonan reporta. Esey ta pone un sombra riba un servicio publico vital, maneho di desperdicio.

Sin claridad den finanzas, e nivel di responsabilidad ta limita. Gobierno a urgi Serlimar pa sigui e mesun regla cu otro institucion — publica dato completo y na tempo. Problemanan den coleccion y eficiencia no ta nada nobo, y sin accion concreto e riesgonan por sigui crece.

Educacion: SEPB y Universidad di Aruba

Segun e rapport ta indica institucionnan educativo manera SEPB y Universidad di Aruba ta keda den un situacion mas modesto, pero cu retonan cu ta keda presente. Gastonan ta bay surpasa e ingreso, y esey ta pone presion riba e presupuesto di e institucionnan.

Gobierno a reitira cu educacion ta un pilar pa futuro. Proyectonan ta keda den marcha pa adapta curiculo na necesidad di mercado laboral y pa fortalece relacion entre universidad y sector priva.

Un tema cu ta ser ripiti den tur seccion di e rapport ta cu mester di mas claridad, mas transparencia. Gobierno a admiti cu falta di datonan completo ta limita debate publico y decision politico.

E uitvoeringsrapportage di e dos kwartaal di 2025 ta muestra progreso, pero pa logra un politica financiero fuerte, tur institucion mester publica nan data completo. Reglanan mas estricto pa reporta y un

sistema digital standard ta den preparacion.

E balans mescla ta cla: turismo ta duna estabilidad, pero gasto na salud y pensioen ta pone presion riba e presupuesto. Si no tin reforma, riesgonan ta cu otro sector — manera infraestructura y innovacion — lo no haya basta recurso.

Expertonan ta adverti cu depende di debenan exterior pa tapa deficit por pone Aruba mas vulnerabel na fluctuacion di tasa di interes mundial. Pero tambe tin oportunidad. Cuido mas eficiente, coleccion di contribucion mas fuerte y uso mas strategico di ingreso di turismo por trece un cambio positivo.

Segun e uitvoeringsrapportage di e di dos kwartaal di 2025 ta enfatisa, sector colectivo ta na un crusada. Institucionnan vital ta sinti presion, pero cu reforma y mas transparencia, un futuro sostenibel ta posibel.

E riesgonan ta real, pero solucionnan tambe tin na man. Pa gobierno, e documento ta un yamada pa accion — no mas solucion temporario, pero mester medidanan structural cu ta proteha estabilidad financiero di Aruba riba termino largo.

Drentando e di dos mita di 2025, decisionnan cu gobierno tuma riba salud, pensioen, educacion y servicio publico lo determina no solamente balansa di e aña aki, pero tambe resiliencia social y economico pa futuro di Aruba.

Aunke Aruba ta haci paso den direccion di mas transparencia y control financiero, hopi di e medidanan — manera regla pa destaho, sistema di rapportage y regla pa propiedad — lo solamente bira realidad entre 2025 y 2026. Mientras tanto, atrasonan den reportahe y falta di capacidad humano ta keda un gran deficiencia.




CARIBBEAN SPEED PRINTERS N.V.

Relaciona cu celebracion di
DIA DI PRENSA

Ta participa cu **NO** lo tin edicion regular di **Bon Dia** y **Aruba Today** riba diamars 2 di september, 2025.

Oficina lo ta cera dia 1 di september.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diaranson 3 di september pa por favor email na: aviso@bondia.com.

Gerencia



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro

Dilma Arends

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com

Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

RDA un misterio grandi... Atrobe o ainda...?

Na december nos tabatin eleccion y awor nos tin un gobierno, incompleto ainda, pero cu ta opera y ademas ta responsable pa tur cos awor. Nos no ta bay evalua e gabinete actual pa loke nan a logra caba di e promesanan haci, esey ta bin despues, pero nos a keda cu un pregunta grandi: realmente e gabinete aki ta muestra di bay atende asunto di un manera diferente? Nos tur sa cu durante siete aña tabatin critica grandi riba e gobierno anterior, manera semper parcialmente na su lugar y parcialmente exagera o no al caso, pero esey no ta e punto clave cu nos kier trece dilanti aki. Nos kier ilustra e cambionan cu nos lo ta desea di mira cu un ehemplo.

Na 2021 a surgi bastante tumulto den prensa local, despues cu e gabinete di e momento ey a ripara cu tabatin asunto cu no tabata cana bon den e compania cu ta propietario di e tereno di refineria y ta dirigi tur actividad cu ta tuma lugar ey. Un comision di experto financiero a haci un analisis di e situacion y durante nan investigacion ya tanto e director como e director financiero a tuma nan retiro. E investigacion hasta a conduci na un denuncia na Ministerio Publico, cu finalmente no a resulta den algo sustancial. Nos no ta duna un opinion aki si e investigacion mester a resulta den algo mas; esey semper ta e caso ora e entidad aki dicidi cu no tin un base pa paso hudicial. Cu esey henter e asunto a caba? Pa esnan cu e tempo ey tabata para na banda di e gerencia cuestiona, esey sigur lo ta asina, y lo ta contento cu e intento di e adversario politico principal pa gara'nan hendenan' pa supuesto maneho irresponsable o hasta corrupto, no a duna resultado. Despues naturalmente e gabinete di e momento ey a pasa pa pone 'nan hendenan di confianza' na timon di e compania, y despues..., silencio.

Nos mester ta satisfecho cu esey? No, segun nos opinion a keda hopi pregunta pa contesta. Tambe pasobra e gabinetenan entre 2017 y 2024 a tuma un postura fuerte na fabor di 'bon gobernacion' y 'transparencia'. Esakinan pa hopi hende serio no ta simplemente lema barata cu na final di dia no mester practica, pasobra no ta bin critica fuerte toch, sino tema serio pa practica, pa por garantiza prosperidad y avance di comunidad. Es decir, cualkier gobernante cu ta usa e lemanan aki, tin un debe moral serio cu comunidad. Y pakico nos no ta mira motibo pa ta satisfecho? Pasobra den e caso particular aki, y tin varios otro, e gabinetenan te 2024 no a muestra nos cual tabata e avancen cu nan a logra den mehora maneho y gerencia di e compania y su empresanan subsidiario. Y pakico esey ta asina impor-

tante? E ta importante como asunto di principio y tambe pasobra nos ta papiando di centenares di miyones cu e empresa y su subsidiarionan ta maneha. Pa duna un impresion di esaki, algun cifra. Na 2023 Aruba a importa pa Afl. 228 miyon na producto quimico, pa gran parti combustible. Pa duna un impresion, na 2023 WEB Aruba NV a paga Afl. 167 miyon pa fuel ricibi. Conta acerca loke aeropuerto ta cumpra na fuel pa avion y loke henter Aruba ta usa na gasolin y diesel, y nos por mira e importancia di sa con e compania responsable ta maneha e asunto. Pero, manera den mayoria di caso, nos no por haya dato financiero di e companianan aki, RDA y FMSA, ningun caminda. Pakico no? Pasobra e ta parti di e aparente conspiracion entre gobiernonan di diferente color politico, cu nos 'no tin nada ta haci eyan' y por lo tanto nan que hacer financiero y operativo ta keda secreto. Di mes e ora nos no sa nada, tampoco di e otro actividadnan riba e tereno. Por ehemplo, cu tin un parque solar di sigur 4-5 MW di capacidad instala, cu aparentemente no ta produci nada o casi nada. Kico ta pasando? Cu e candidato pa ministro, di entre otro energia, den parlamento, no ta conoci ki rumbo e asunto di e compleho industrial ta bay tin. Esey lo keda asina pa basta rato tambe, nos ta supone. No solamente pasobra no ta mira nada ta move, pero mas importante ainda ta dificil pa imagina actividad economico cu realmente lo bay haci un diferencia.

E siguiente pregunta ta: unda nos ta para awor? Nos por supone cu, despues di e bochincha na WEB y Utilities, na mayoria di entidad gubernamental y semi-gubernamental e actual gabinete a take over gerencia, y cu tempo nos lo tende si nan, na nan turno ta descubri iregularidad. Pero loke no ta haci ta: instala e transparencia necesario, obliga tur entidad di publica nan cuenta anual, y na tempo, pa nos no tin pakico di bay tras di palabra di tal o cual politico, adversario o amigo di gobierno. Pakico gobierno(nan) sucesivamente ta critica otro, pero ta di acuerdo cu otro cu pueblo no tin pakico di sa con nan ta maneha e empresanan.

Pakico entidad manera AZV, SVB, KvK, Banco Central y varios mas, ta cumpli cu nan deber cu pueblo, y e companianan, salvo WEB cu pa contrato externo ta obliga di publica nan cifranan, no mester? Nos politiconan no ta comprende e materia aki? E impresion ta cu nan ta comprende demasiado bon kico ta 'at stake' aki. Pero, si ta asina nan kier goberna, anto libra nos di e lemanan barata cu por scucha na cualkier momento...

Lotto ta introduci un miembro nobo di Instacash “Crazy Wild Cash”!

Diahuebs 28 di augustus, Lotto, e loteria di Aruba, ta contento di por anuncia un integrante nobo “Crazy Wild Cash” den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde dia-bierna 29 di augustus Lotto lo trece un adicon mas na e famia di Instacash cu ta yama Crazy Wild Cash.

Con pa hunga:

Bishita bo rebendado di Lotto preferi y pidi pa e wega di Crazy Wild Cash desde dia-bierna awo. Ora bo cumpra e wega di Crazy Wild Cash, bo ta ricibi un ticket for di bo rebendado pa e wega. Riba e ticket bo ta wak diferente number den 3 diferente seccion.

Den e prome seccion, match cualkier di bo numbranan cu cualkier un di e numbranan ganado y gana e premio bou



di e number cu bo a match.

Den e segundo seccion, ora cu bo “Wild Number” match cualkier di bo numbranan of cualkier number cu tin den un di e “Money Bag”, bo por gana dobel di e premio cu

tin bou di e number cu bo a match.

Den e seccion full abou, match cualkier di e numbranan ganado cu tur dos (2) number den e mesun “Money Bag” y a gana e premio cu

tin bou di e “Money Bag” cu bo a match. Cada “Money Bag” ta wordo hunga separa. E prijs di Crazy Wild Cash ta costa 5 florin pa ticket y bo por gana e premio grandi di 15.000 florin!

Instacash ta dunabo e oportunidad pa hunga bo wegan preferi manera 5X The Cash, 10X The Cash, 20X The Cash, Bingo, Money Tree, Match for Cash, e famia di Instant Jackpot, Tic Tac Cash, Shooting Star, Buckets of Cash, Strike, Stack-O-Cash, High Voltage Cash, Give Me 5, Sevens y awo Crazy Wild Cash cu ta dunabo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente wegan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Minister Dowers ta lamenta mal informacion di presidente di SPA



Diaranson mainta, Minister di Husticia mr. drs. Arthur Dowers (AVP) a duna un declaracion relaciona cu e insinuacion cu presidente di Sindicato di Polis (SPA), Rodney Solognier a haci pa locual ta trata e relacion cu tin actualmente entre Minister

di Husticia y e sindicato SPA.

Den un comunicado dirigi na miembranan di e sindicato, Solognier a duna di conoce cu tin un falta di interes y cooperacion di parti Minister di Husticia, cu ta nenga di sinta cu nan na mesa y cu pa e

motibo aki, diferente proceso pendiente ta pega.

Basa riba e puntonan aki, e presidente di sindicato ta yama un Algemene Ledenvergadering cu tur miembro di SPA, pa asina por haya tende di nan, como tambe informa riba restructuracion

den Cuerpo Policial, unabes cu Minister di Husticia haci su cambianan necesario.

Minister Dowers ta lamenta informacion incorrecto cu e presidente di SPA ta suministra publicamente. E relacion cu Cuerpo Policial ta uno semper habri y den bon colaboracion cu otro. No solamente sindicato, pero cualkier miembro policial cu tin pregunta, peticion of tin cu atende cu un of otro asunto, por tuma contacto y ta keda atendi door di e personal en-carga of apunta den e direccion cu mester cana, of ta sinta cu e minister mes si ta necesario.

“Locual ta sigur, cu nunca a nenga di scucha un hende, y esaki ta conta pa e sindicato tambe”.

Minister Arthur Dowers a indica cu durante su ausencia den exterior e sindicato a tuma contacto pa un reunion atrobe, caminda a informa nan cu na su regreso lo verifica fecha di reunion. Na su

yegada a atende cu Presupuesto Complementario y den e dianan aki a reanuda su agenda pa asina inicia cu e peticionnan cu a keda pendiente.

Segun e mandatario di husticia, ora a busca pa sa mas cerca un otro miembro riba e comunicado aki, e miembro di SPA a indica cu mas bien nan ta pendiente pa haya un fecha pa por reuni cu minister. Ademas a informa e miembranan cu nan por manda e puntonan di agenda pa asina por prepara pa e reunion na momento cu haya fecha pa esaki.

Minister Arthur Dowers ta bolbe reitera cu absolutamente no ta berdad cu no tin un bon comunicacion cu SPA, ni tampoco cu KPA. Lamentablemente e lider sindical ta scoge un ruta publico pa trece discordia, enbes di tuma contacto directo cu su bureau of cu su persona.



FDA ta aproba vacuna di COVID-19 actualisa cu limite pa algun mucha y adulto

(AP)—Reguladornan Mericano a aproba un vacuna contra COVID-19 actualisa diaranson pero a limita uso pa hopi Mericano—y a kita un di e dos vacuna disponible pa muchanan chikito.

E inyeccionnan nobo di Pfizer, Moderna y Novavax a ser aproba pa tur adulto mayor. Pero e Administracion di Cuminda y Medicina (FDA) a limita nan uso entre adultonan mas jong y muchanan pa inclui esnan cu al menos un malesa di riesgo halto, manera asma of obesidad. Esey ta presenta limitenan nobo na acceso pa mision Mericano cu lo mester proba nan riesgo—y mision cu lo por kier haya vacuna y diripiente no ta cualifica mas.

Ademas, e vacuna di Pfizer no lo ta disponible mas pa cualkier mucha bao cinco aña di edad, pasobra FDA a bisa cu e ta revocando e autorizacion di emergencia pa e vacuna pa e grupo di edad ey. Mayor nan lo por busca vacuna for di Moderna, e otro fabricante di vacunanan mRNA, cual a haya aprobacion completo di FDA pa muchanan di seis luna bay ariba. Pero e compania di vacuna Spikevax ta solamente aproba pa muchanan cu al menos un malesa serio.

E vacunanan actualisa ta diseña pa ataca e version mas nobo di e virus y ta programa pa cuminsa drenta mercado inmediatamente. Pero por dura algun dia of siman prome cu Mericanonan sa si nan por haya un, pasobra acceso ta depende riba decisionnan tuma pa e conseheronan federal, seguronan di salud, botica y autoridadnan estatal.

E restriccionnan nobo—evalua pa oficialnan di FDA na mei—ta un desviacion for di e politica Mericano anterior, cual a recomenda un vacuna di COVID-19 anual pa tur Mericano di seis luna bay ariba.

E acercamento ta refleha e skepticismo creciente di Secretaria di Salud Robert F. Kennedy Jr. y e Notario di FDA Marty Makary tocante e riesgonan andante di COVID-10 y a necesidad pa inyeccionnan booster tur aña. “E pueblo Mericano a exige ciencia, seguridad y sentido comun. E framework aki ta duna tur tres,” Kennedy a skirbi riba red social.

E inyeccion di Novavax ta solamente disponible pa hende di

12 aña bay ariba, no muchanan jong, y bao e mesun restriccion cu tin awor pa e opcionnan di Moderna y Pfizer. E ta e unico vacuna di COVID-19 tradicional y basa den proteina den e pais.

Preguntanan tocante cobertura y acceso ta keda sin contesta

E limitenan “ta crea limite pa vacunacion” y ta causa confusion pa mayor, dokter y farmacuticonan, segun Dr. William Schaffner, un experto di vacuna na Vanderbilt University.

Algun grupo medico, incluyendo e Academia Mericano di Pediatrica, a oponer e limitenan nobo, bisando cu nan por blokea acceso na vacuna pa famianan cu kier protegenan yunan. Siman pasa, e grupo a ofrece su mesun recomendacion pa muchanan, bisando cu inyeccionnan anual ta recomenda pa muchanan di seis luna pa 2 aña y conseha pa muchanan mas grandi.

Den su publicacion diaranson, Kennedy a bisa cu e inyeccionnan lo ta “disponible pa tur pashent cu ta scoge nan despues di consulta cu nan dokter.” Pero Mericanonan lo probablemente confronta un cantidad di obstaculonan logistico.

Tipicamente, seguronan ta basa nan decision di cobertura pa vacuna riba e recomendacionnan di un panel di consehero na e Centro pa Prevencion y Control di Malesa (CDC), pero algun ta bisa cu nan tambe ta busca conseho na gruponan medico profesional, incluyendo e Asociacion Medico di Merca.

Na comienso di aña, Kennedy a reemplasa henter e panel di CDC, nombrando varios dokter y investigadornan cu a cuestiona repetidamente e seguridad di vacuna y ingredientenan frecuentemente usa. Ta anticipa cu e panel lo reuni den september, pero no a publica ningun programa ainda.

Dependiendo e conseho di e panel, Mericanonan bao 65 aña di edad lo mester provee documentacion di un malesa serio prome cu nan por haya vacunacion. Complicando e suministro ta e hecho cu farmacuticonan—ken ta administra mayoria vacuna di COVID-19—tipicamente no ta colecta e tipo di informacion ey. Y leynan gobernando nan habilidad pa administra vacunacion rutinario ta varia pa es-

tado, unda e farmacuticonan ta licencia.

Hopi estado ta limita vacunacion administra pa farmacutico na esnan recomenda pa e panel di CDC. Acceso tambe por ta complica pa adulto y muchanan saludable cu ta interesa den haya un vacuna pa mas proteccion.

Si e vacunanan aki no ser cubri pa nan seguro, e pashentnan ey por ta rekeri di paga 150 dollar of mas for di nan mesun placa si nan kier un.

Inyeccion ta ataca un version dominante di coronavirus mas recien

E inyeccionnan actualisa di Pfizer, Moderna y Novavax ta diseña pa ataca un subtipo di coronavirus cu ta relaciona cu algun primonan surgiente. Pfizer y Moderna a bisa cu nan

ta anticipa cu nan inyeccion lo ta disponible dentro di algun dia. E vacuna di Novavax ta anticipa pa temporada di otoño, un vocero a bisa.

Tur tres inyeccion a bira disponible inicialmente bao e uso di autorizacion di uso emergente di FDA, un proceso acelera pa evalua rapidamente vacuna y otro contramedidan durante e pandemia. Pfizer no a busca un aprobacion completo pa su dosisnan diseña pa muchanan bao cinco aña, cual ta e motibo cu Moderna lo ta e unico proveedor di vacuna pa e muchanan mas jong e aña aki.

Ademas di revoca uso emergente di Pfizer su vacuna den muchanan jong, Kennedy a bisa diaranson cu e gobierno tambe a anula autorizacionnan restante pa tur otro vacuna contra COVID-19 y un otro

terapia for di e añanan di pandemia, esta plasma convalescente, cual a ser usa pa trata pashentnan di COVID-19 hospitalisa prome cu e prome medicina antiviral a bira disponible.

Vacunan contra COVID-19 ta haci un bon trabao di preveni malesanan severo, hospitalisacion y morto, cual ta keda un riesgo mas grandi pa adultonan mayor y hende cu malesa cronico, incluyendo malesa di curason, pulmon y cancer.

Dato preliminar for di e CDC ta calcula cu 47.500 Mericano a muri for di causanan relaciona cu COVID-19 aña pasa. Den al menos dos-tercer di e casonan ey, COVID-10 a ser lista como e causa scondi pa morto. Pa e resto, COVID-19 tabata un factor contribuyente.

DIAHUEBS 28 DI AUG

LOTTO DI DIA

ROLLDOWN

Ganado Garantisa!

AFL 150.000

Si no tin ganado cu 5 number bon, e ta bay na esun cu tin 4 number bon y asina e ta keda Roll Down te ora tin ganado!

Corda pidi pa bo Facilito y gana premio cash instantaneo!


www.lottoaruba.com

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Aeropuerto di Corsou operando riba generator memey di blackout total

(Curacaochronicle)—**Aeropuerto internacional di Corsou a cambia pa generator como respuesta na e blackout total actualmente afectando e isla. E aeropuerto a anuncia cu e movida aki ta diseña pa sigura e seguridad di biahero y bishitantenan.**

Tur vuelo programa ta sigui manera planea. Sin embargo, e aeropuerto a conseha pasaheronan cu den caso di retraso, nan mester contacta nan aerolinea directamente pa informacion actualisa. Como parti di medidanan precaucionario, e aeropuerto a paga su airconan den e edi-

ficio di terminal pa preveni hopi presion riba e generatortornan. E blackout, cual a sucede di aranson mainta, a stroba bida diario den henter Corsou. Proveedor di utility, Aqualectra, a cuminsa cu e proceso di restauracion pero ta adverti cu e situacion ta keda fragil.



Expertonan ta adverti: Corsou ainda ta bao gobernacion di leyman di siglo 19

(Curacaochronicle)—**Corsou ainda ta bao gobernacion di un cantidad enorme di leyman antiguo, algun datando back na e siglo 19. Esaki ta e conclusion di experto legal Jeff Sybesma y economista Roland van den Bergh den nan serie andante yama 'Unintended Consequences'. Segun nan, e falta di modernizacion y coherencia den e sistema di ley ta causando problemanan serio pa ambos e estado di derecho y sociedad en general.**



E autornan a nota cu Corsou tin centenares, si no miles, di regulacion legal, hopi di cual nan ta describi como “piesanan di museo.” Ehempelnan ta inclui e Ordenansa di Expropiacion di 1887, e Ordenansa di Cuarentena, y e Or-

denansa di Construcion di 1935—leyman crea pa un era totalmente diferente.

Legislacion mas recien ta frecuentemente sirbi como un pleister riba e framework cu

ta existi caba. Por ehempel, e ordenansa riba calidad di aire adopta den 2024 no a ser skirbi como un ley independiente pero simplemente agrega como un capitulo nobo na e Ordenansa di Strobacion di 1994.

Un puzzle legal

Segun Sybesma y van der Bergh, esaki ta resulta den un sistema legal complica. Ciudadano, abogado y huesnan sa enfrenta un puzzle ora nan purba determina cua ley ainda ta na vigor. Ademá, hopi obligacion legal—manera evaluacion obligatorio, report y comisionnan—no ta ser observa den practica. Parlamento, cual mester ta en-carga, ta fracasa mayormente den aplicacion di e obligacionnan aki. “Como resultado, hopi provision legal ta keda reglanan bashi,” e autor-

nan ta argumenta.

Acceso na legislacion ta un otro problema. Desde 2019, e Boletin y Corant Oficial di Gobierno awor ta publica digitalmente riba e website di gobierno. Pero sin sa e number di referencia exacto, ciudadanonan mester busca cu precision pa haya un regulacion. Esaki, nan ta bisa, ta mina acceso na ley—un parti esencial di e estado di derecho.

Oportunidadnan perdi pa concordancia

E expertonan tambe ta nota cu Corsou ta perdiendo e oportunidad pa modernisa su framework legal eficientemente via concordancia dentro di e Reino di Hulanda. E Constitucion di Reino ta stipula cu sistemanan legal mester ta alineada unda ta po-

sible, pero e mecanismo aki no ta ser usa mucho. “E por salba hopi tempo y esfuerzo pa adopta parti di e Ley Hulandes di Administracion, adapta na contexto legal,” nan ta skirbi.

Den centro di nan argumento ta keda e principio cu legislacion mester sostene politica, no strob'e. Esaki ta rekeri reglanan cla y moderno cu ta paz cu e necesidad di e sociedad awendia. “Un estado di derecho moderno no por funciona cu leyman antiguo,” e autornan ta adverti. Nan ta kere cu Corsou ta enfrentando dos opcion: continua riba e caminda actual lo resulta den mas atraso y desigualdad legal, mientras renobacion sistematico por restaura confianza y seguridad legal.

(NLTimes)—**Un hoben di Gouda a muri diamars anochi despues di un caso di hincamento na un cas riba Rentmeesterslag den e ciudad. E victima supuestamente tabatin un pleito cu un otro homber, 25, tambe di Gouda, ken a keda herida y despues deteni riba caya como sospechoso.**

Polis a confirma cu e victima y e sospechoso tabata conoce otro, pero un vocero no a duna detaye tocante nan relacion of si un di nan tabata biba na e adres na Rentmeesterslag, citando motibonan di privacidad.

Autoridadnan a ricibi un informacion di e incidente rond 7or

di anochi. A pronuncia e victima morto na e sitio. Polis ta investigando e circunstancia rondando e hincamento.

A reporta cu e sospechoso tabata cubri den sanger mientras e tabata cana riba caya. Un testigo a conta AD cu a sospechoso tabata cana tranquilamente, aunke e ta parece un tiki confundi.

Tabatin mancha di sanger cu tabata visible pa centenares meter te na e caminda di ciclismo riba Burgemeester Lucasselaan. Esaki ta unda polis a haya e sospechoso. Investigadornan tabata presente na e residencia y riba caya te 6or di mainta. A limpia e manchanan di sanger.

Hoben di 29 aña ta fayece na Gouda den caso di hincamento



Museo Van Gogh ta bringa cu gobierno tocante gastonan di renobacion

(NLTimes) - E Museo Van Gogh y e Gabinete Schoof I ta den conflicto pa loke ta trata e gastonan di un renobacion na gran escala di e institucion di arte di Amsterdam, asina e director di e museo Emilie Gordenker a bisa den un entrevista cu New York Times. El a agrega cu e museo por ser forsa pa cera temporalmente si no haya un solucion.

Gordenker a bisa cu sin e renobacionnan necesario, e seguridad di e coleccionnan, bishitante, y empleadonan no por ser garantisa. "Esaki ta e ultimo cos cu nos kier, pero si ta yega na esey, nos lo mester cera e edificio."

E renobacion di e Museo Van Gogh taser calcula pa costa 104 miyon euro. Pa cubri e gastonan, e museo a pidi gobierno pa aumenta su subsi-

dio anual di 8.5 miyon pa 11 miyon euro. Segun e museo, e estado a nenga, loke lo laga Van Gogh enfrente un deficit structural di 2.5 miyon euro pa aña.

Di acuerdo cu e museo, gobierno ta violando e acuerdonan cera na 1962 cu e primo di Vincent van Gogh. E Vincent aki, yama "e ingeniero," a transferi henter e coleccion di pintura, dibuho y carta pa un fundacion special e tempo ey. Esaki a evita cu e coleccion a ser kibra. E estado a compromete su mes na construi y mantene un museo caminda e coleccion lo keda completo y riba pan-taya permanente.

E Museo Van Gogh ta atrae miyones di bishitante anualmente. Prome cu e pandemia di coronavirus, e tabata averahe mas cu dos miyon hende pa aña; aña pasa, el a subi back



na 1.8 miyon hende despues di un bahada importante durante e pandemia.

Debi na e trafico pisa di bishitante for di su apertura na 1973, e edificio tin mester di mantencion urgente. Su condicion structural ta malo, e instalacionnan tecnico mester ser reemplaza, y e museo mester cumpli cu rekisitonan di sostenibilidad. E renobacion ta programa pa cuminsa na 2028 y dura tres aña, du-

rante cual e museo lo keda parcialmente habri.

Museo Van Gogh ta bisa cu e ta depende di su propio entrada pa 85% di su financiamiento, "un porcentahe excepcionalmente halto compara cu otro museonan publico."

Un vocero di e Ministerio di Educacion, Cultura y Ciencia (OCW) a contesta e rapport bisando cu nan ta dunando e

museo suficiente na subsidio. OCW a declara cu su posicion, cu suficiente fondo ta ser aloca caba, ta basa riba investigacion extenso di expertonan encarga pa e ministerio mes.

E consehual di Amsterdam, Touria Meliani, a bisa cu e articulo ta destaca un "situacion preocupante" pa e Museo Van Gogh, cu el a describi como di "gran balor" pa tanto Hulanda como Amsterdam. "E posibilidad di e ciere di e museo ta impensabel y lo ta un perdida grandi pa futuro generacionnan di amantenan di arte," e consehual a bisa. El a enfatisa cu ta "di gran importancia" pa e ministerio haya un solucion pa e museo.

Segun OCW, e museo a hiba e asunto corte. Corte lo trata e caso dia 19 di februari 2026.

VVD, BBB ta tuma over ministerionan mientras PM Schoof ta adresa NSC su salida



(NLTimes) - E minister nan nobo den e departamentonan di asuntonan exterior, salubridad publico, y asuntonan social lo bin di partido VVD. Partido BBB lo suministra dos minister nobo pa e ministerionan di educacion y asuntonan interior, prome minister demisionario Dick Schoof a bisa durante un debate tocante e salida di NSC for di su gabinete.

Schoof no por revela e nombrenan ainda, "como cu

esaki ta rekeri consideracion cuidadoso den e proceso y lo ser anuncia mas pronto posibel." Mescos ta conta pa e cuater posicionnan di secretario di estado bashi. No ta cla ainda si nan tur lo ser yena.

VVD y BBB a bay di acuerdo riba e reparticion di e ministerionan diamars anochi. Te ora cu e oficialnan nobo huramenta, e tareanan di e secretarionan di estado demisionario lo ser mancha pa e minister y secretarionan di estado cu ta sobra.

Schoof a bisa cu e gabinete



ta eherce abstinencia. El a reconoce cu e base di Gabinete Schoof I, cu ya a perde su mayoria den Tweede Kamer, despues cu PVV a bandona gobierno, awor ta mas chikito ainda. "Esey ta un realidad cu nos mester acerca realisticamente."

Den e proximo lunanan, prome minister demisionario Schoof ta spera di sigui haci progreso "den consulta estrecho." El a menciona especificamente asuntonan manera solucionan e asuntonan di e scandal di beneficio, asuntonan tocante Groningen, y e


presupuesto di otro aña. "Lo ta irresponsabel pa drenta un periodo di stagnacion riba un asunto importante manera migracion of asilo. Y e guerra na Ucrania tampoco no ta warda nos."

Schoof a agrega cu e ta spera cu Tweede Kamer y e Gabinete por haya puntonan comun y yuda otro pa nan por logra mas tanto posibel den e preparacion pa e eleccion y formacion di un gobierno nobo.

E prome minister a yama e salida di NSC for di su gabinete un "suceso doloroso"

cu a dañá e reputacion di politica. "Mi ta tuma esaki personalmente. Nos ta tuma esaki personalmente. No tin ganador despues di diabierna. Y mi ta bisa esey cu e mas profundo lamento."

Schoof a papia cu Su Mahestad Rey Willem-Alexander tocante e situacion politico actual dialuna. Despues, e Rey a reuni individualmente cu Jan Anthonie Bruijn, e Presidente di Senado; Thom de Graaf, Vice Presidente di Consejo di Estado; y Martin Bosma, e Presidente di Tweede Kamer.



Miyones Venezolano ta lucha cu inseguridad alimentario

(AP) — **Miyones Venezolano ta lucha pa haya acceso na alimento mientras e pais ta enfrentando su ultimo economico.**

E desmantelacion di e economia, reduccionnan den subsidio y programanan di estado, cambionan na ayudo externo, y sancionnan Mericano a haci cu hopi no por paga pa nan necesidad pa e casi 80% di residente cu ta biba den pobresa.

E politica economico di e gobierno di presidente Nicolas Maduro a reduci e balor di salario y e moneda local, limitando ainda mas acceso na alimento. Na mesun momento, hopi cushina popular cu tabata alimenta miles, mayoria mucha, a cera mientras e gobierno ta atacando oponentenan via un ley nobo cu ta restringi e trabou di organisacionnan cu no ta di gobierno.



Puerto Rico: Departamento di Salud ta anuncia vacuna nobo contra influenza y ta keda vigilante pa posibel subida

(ElNuevoDia) - **E Secretario di Departamento di Salud, Víctor M. Ramos Otero, a anuncia dialuna ultimo e yegada na Puerto Rico di un vacuna nobo pa combati e malesa respiratorio causa pa e virusnan cu ta causa influenza.**

E anuncio ta bini despues di e inicio di e temporada nobo di influenza y e cantidad actual di casonan, cu a rekeri pa e Departamento drenta un “drem-pel di conseho of epidemia.” Esaki no ta nifica cu tin un epidemia, pero a base di e cantidad di casonan, ta vigila un posibel aumento exponencial.

“Inmunisacion ta e metodo mas eficaz pa reduci e riesgo di infeccion significativamente y yuda disminui e severidad di e malesa. E temporada pasa, 90.5% di e mortonan registra tabata bou di individuonan no vacuna,” e Secretario a declara den un confer-

encia di prensa.

For di 29 di juni di e aña aki, comienso di e temporada 2025-2026, a raporta 4.969 caso, di cual 467 a resulta den hospitalisacion y 20 den morto. E defuntonan no tabata vacuna, y e regionnan cu mas caso ta Ponce, Caguas, Aguadilla y Mayagüez. Epidemiologicamente, e temporada di influenza ta cuminsa den siman 27 di un aña y ta caba den siman 26 di e siguiente aña; esta, e temporada pasa a core di 30 di juni 2024, te cu 28 di juni di e aña aki.

Durante e temporada ey, di 2024-2025, un total di 64.339 caso a keda raporta, di cual 2.756 a resulta den hospitalisacion y 179 a resulta den morto. E region cu mas caso tabata Caguas.

E gruponan di edad mas afecta ta muchanan di 0 pa 4 aña, cu 739 caso, y muchanan di 5 pa 9 aña, cu 449

caso. Finalmente, hobennan di 20 pa 24 aña a raporta 311 caso caba.

Di mesun manera, poblacionnan di riesgo halto ta principalmente mucha, hende muhe na estado y hende cu condicionnan medico. Den caso di hende muhe na estado, infeccion di influenza por causa aborto y parto prematuro, asina Iris Cardona Gerena, oficial medico principal di e Departamento di Salud a enfatisa.

E vacuna nobo a yega Puerto Rico dos siman pasa y no ta obligatorio. Te cu awor, den e temporada nobo, 27.895 dosis a ser administra na mucha y adulto.

“Tur aña nos mester papia tocante e asunto aki pasobra e vacuna ta cambia debi na e habilidad di e virus di grip pa muta, y e strain cu ta circula por causa mas agresividad di e virus, epidemia, y den algun caso, pandemia,”

e oficial medico principal a enfatisa.

E dokter a sigura cu e tasa di inmunisacion e temporada aki ta “un tiki miho” cu e temporada pasa, ora cu nan a cera cu un total di 396.416 persona vacuna. 47% di esnan vacuna tabata adultonan di 65 aña of mas.

Sinembargo, e temporada 2023-2024 a rekeri un declaracion di epidemia, te cu 508.892 pashent vacuna.



Venezuela lo desplega barco militar den Lama Caribe y otro awanan pa combati trafico di droga

(AP) — **Venezuela lo manda barco militar na Lama Caribe y otro awanan pa combati trafico di droga, e minister di defensa di e pais a anuncia diamars. E movimiento ta bin mientras tension cu Merca ta crece relaciona cu e despliegue di tres barco di guerra na e region.**

Minister di Defensa Vladimir Padrino Lopez a bisa cu e barconan lo patruya e Golfo di Venezuela y tambe e “awanen teritorial” di e pais den Lama Caribe. Den un reel di Instagram, Padrino a agrega cu alrededor di 15.000

miembro di e forsan arma lo participa den esfuersonan na tera y riba lama pa combati “e gruponan arma, terrorista, traficante di droga cu ta opera riba e frontera” cu Colombia. Padrino a anuncia e operacion mas cu un siman despues cu e gobierno Mericano a anuncia e despliegue di tres destructor di misil dirigi na e awanan cerca di Venezuela pa combati menasa for di cartelnan di droga Latino-Mericano. E respuesta inicial di Venezuela na e despliegue tabata pa yama Venezolanonan pa drenta den un militancia di boluntario cu e intencion di asisti e forsan arma den e

defensa contra atake externo y interno.

E movimiento pa desplega destructor y personal Mericano ta bin mientras e presidente di Merca Donald Trump ta pusha pa usa e ehercito pa frustra cartelnan cu e ta culpa pa e fluho di fentanilo y otro droga illicito den comunidadnan Mericano y pa mantene violencia den algun stad Mericano.

Dialuna, presidente Venezolano Nicolas Maduro a insisti durante un programa di television semanal cu su pais, al contrario cu Colombia, ta



“liberdi cosecha di blachi di coca y liber di produccion di cocaina.” El a critica tambe e gobierno Mericano pa no adresa e consumo di droga riba su fronteranan.

Den un anuncio separa diamars, Padrino a bisa cu un

operacion den proceso na e banda noroeste di Venezuela a resulta den e desmantelacion di luga caminda criminalnan tabatin e intencion “pa fabrica submarino y boto pa transporta droga via lama” pa mercadonan na Europa y Norte America.

Republica Dominicana: Ta adverti tocante crisis di salud mental y deterioro di famia



(DiarioLibre) - E coordinador di e Pastoral Penitenciaria de la Iglesia Catolica, pastor Aristides Jiménez Richardson, a remarca e crisis profundo cu e pais ta experenciando debi na desorganizacion familiar y e balornan cu ta ser pasa pa generacionnan nobo.

“E violencia aki, cu nunca no a ser mira prome den nos pais, ta indica señalnan di un malesa psicosocial; un tipo di patologia ta evidente. Nos mester revisa e fundeshi y balornan cu nos ta transmitiendo na nos famianan, for di hubentud, adolescencia y infancia, y tambe kico ta e obhetivonan central di famianan, e formacion di balornan pa esnan cu ta formando famianan,” el a bisa.

Den cuadro di e Prome Conferencia Internacional riba Husticia Habri, cu ta ser teni na e pais, e pastor a adverti cu e destruccion di e nucleo familiar ta representa un señal peligroso cu ta rekeri atencion urgente di tur e organizacion y institucionnan di e pais.

“E no por ta djis retorica; nos mester bira serio tocante e asunto aki, pasobra e pais ta mustrand cu e tela social ta kibrando,” el a declara.

Di su banda, Leidy Blanco García, coordinadora general di e movimiento civico Participacion Ciudadana, a haci un yamado na e Estado Dominicano pa aloca no solamente recursonan financiero pero tambe capacidnan tecnico pa atende e tema di salud mental.

“Atende e asunto di salud mental no solamente ta afecta e nivelnan di violencia, pero tambe bida en general na nivel nacional,” el a declara.

Blanco a enfatisa e importancia di atende salud mental como un politica estatal a largo plaso, integrando diferente area manera famia, casnan, scolnan, y tur otro espacio.

“Ohalá, e lo ta un politica a largo plaso, no solamente atende e asunto pasobra e ta obviamente den bista publico y tin un necesidad urgente pa ataca esaki, pero mas bien un politica estatal a largo plaso cu ta toca nervionan importante,” el a indica.

Segun Blanco, prevencion ta e yabi pa atende e problema aki, pero el a adverti cu sin financiamiento adecua, no por implementa medidanan preventivo. P’esey el a haci un yamado na e Estado Dominicano pa identifica y aloca e recursonan necesario.

“Sin financiamiento, prevencion no por ser alcanza. Obviamente, e Estado mester identifica e recursonan pa papia tocante prevencion. Despues, prevencion ta cuminsa,” el a declara.

Tambe el a enfatisa cu ta hopi importante pa sa con pa preveni salud mental y su efectonan.

Tambe Blanco a enfatisa cu salud mental ta relaciona cu aspectonan di bida diario, manera stress genera door di trafico y otro situacionnan cu, aunke aparentemente normal, ta forma parti di e retonan cu mester ser atendi.

“Esaki ta asuntonan cu no solamente por ser considera importante for di e perspectiva di ataca violencia, cu ta efectonan di e problema di salud mental, pero tambe identificando e retonan cu nos ta enfrente pa asina por atende cu nan”, el a agrega.

Colombia ta bisa cu habitantenan di pueblonan cu ta tumando orden di gruponan rebelde a secuestra 34 soldad

(AP) — E gobierno di Colombia a bisa diamars cu 34 di su soldad cu ta combatiendo rebeldenan den e sur a ser “secuestra” pa habitantenan di pueblonan cu ta trahando bao e ordennan di un grupo rebelde.

Minister di Defensa Pedro Sanchez a bisa cu e ehercito lo “desplega tur su capacidad” pa sigura e liberacion di e soldadnan deteni den provincia Guaviare, y a ofrece un recompensa di \$5.000 pa informacion cu ta yega na e comandante rebelde cu a plania e incidente.

“Esaki ta un accion ilegal,” Sánchez a bisa durante un conferencia di prensa. “E personanan aki ta interumpi un operacion militar en contra



di e menasa principal den e region.” Sanchez a bisa cu e soldadnan a ser deteni cerca e pueblo di El Retorno desde diadomingo, siguiendo un lucha di arma cu a mata 10 miembro di un grupo disidente di FARC. El a agrega cu e habitantenan di pueblo cu ta tene e soldadnan deteni ta exige pa

nan ser duna e curpa di un rebelde mata, cu a ser transporta pa un mortuorio den e capital di provincia.

Colombia a lucha pa mantene seguridad den algun area rural, caminda gangnan di droga y gruponan rebelde ta bringa pa territorio bandona pa FARC, e grupo guerrillero cu a haci paz cu e gobierno na 2016.

Den algun area isola, trupanen di gobierno ta ser captura door di habitantenan di pueblo arma of sin arma pa varios dia te cu nan liberacion ser negocia cu agencianan di gobierno.

Den pasado, gobierno a acusa lidernan rebelde pa e situacionnan aki, bisando cu nan ta eherce presion riba ciudadanonan pa actua en contra di trupanen Colombiano.

Celebra Dianan di Fiesta serca nos

Promocion special pa **temporada di fiesta** y paketenan atractivo pa **fiestanan corporativo**.

Pa mas informacion email nos na
Ethlyn Castillo ebagr1@iberostar.com
Emilio Geerman tdsgr1@iberostar.com

Apertura di Festival di Pelicula di Venecia cu ‘La Grazia’ di Paolo Sorrentino

(AP) — E Festival di Pelicula di Venecia a haya su apertura cu e premier mundial di “La Grazia” di Paolo Sorrentino ayera. E di 82 edicion di e festival internacional glamoroso ta anfitrión di un cantidad di strea di Hollywood, incluyendo George Clooney, Julia Roberts y Dwayne Johnson, y autornan famoso, desde Guillermo del Toro te Kathryn Bigelow, kende tur tin pelicula debutando durante proximo 10 dia.

E conflicto na Gaza tambe ya tabata un tema presente tanto pafo di e murayanan di e festival, unda manifestantenan a reuni, como durante conferencianan di prensa.

E festival, cu ta tuma lugar riba Lido, a scoge pa haci su apertura cu e pelicula mas recien di un di e cineastanan mas elogia di Italia. “La Grazia” ta presenta e colaborador di hopi tempo di Sorrentino, Toni Servillo como un presidente Italiano ficticio cu ta paralisa pa indecision na final di su termino, luchando cu e cuestion di firma un ley cu ta permiti eutanasia y den duelo



pa su esposa fayecido.

Sorrentino a bisa cu e tabata inspira pa skirbi e pelicula door di un caso real di un presidente Italiano cu a duna pordon na un homber cu a mata su esposa, cu tabata sufriendo di malesa di Alzheimer. E titulo di e pelicula por ser traduci na “e pordon,” el a bisa.

“Esaki tabata un dilema moral

cu tabata interesante pa conta,” Sorrentino a bisa. “Mi a pensa pa añas cu dilema moral ta hopi interesante pa conta storia.”

Director di Festival di Pelicula di Venecia, Alberto Barbera a bisa AP cu “La Grazia” a gara nan tur di sorpresa. “E ta un pelicula di Sorrentino hopi diferente di loke nos ta custuma,” Barbera a bisa.

“Hopi menos baroque y formalistico cu e pelicularnan cu el a haci anteriormente. E ta un storia hopi inespera.”

Sorrentino, miho conoci pa su pelicula ganador di Oscar, “The Great Beauty,” a haci su debut na e festival na Venecia 24 aña pasa cu e pelicula “One Man Up.” E tambe a gana e premio Silver Lion na 2021 pa “The Hand of God,” cu a keda nomina pa un Oscar. Hopi pelicula cu ta haci nan premier na Venecia despues ta ricibi nominacion y ta gana Oscar.

“La Grazia” ta un di e 21 pelicula cu ta bay presenta den e competencia principal di e festival. Otro titulonnan batayando pa e prestigioso premio Golden Lion ta inclui “Frankenstein” di Del Toro, “A House of Dynamite” di Bigelow, “Bugonia” di Yorgos Lanthimos, “The Smashing Machine” di Benny Safdie, y “The Voice of Hind Rajab” di Kaouthar Ben Hania.

E ganador ta dicidi pa un hurado di productor y actor internacional, incluyendo director di “Sideways,” Alexander Payne y actor Brasileño, Fernanda Torres. Payne, kende ta presidente di hurado e aña aki, a bisa cu el a yega Venecia e siman aki y mesora tabata sinta banda di Francis Ford Coppola mirando un restauracion di un pelicula silencioso di añanan 1920. “Mi a pensa, ‘mi ta den shelo,’” Payne a bisa. “Esaki ta shelo.”

Noticia tocante mundo real

tambe ta presenta na e festival, unda algun stap leu di e sede principal, manifestantenan anti-guerra a reuni anteriormente ayera pa pone luz riba Gaza. Tambe tin un marcha planea pa diasabra tardi.

Martina Vergnano, un activista cu Social Centers of the Northeast, un di e organisadornan di e protesta, a bisa cu centenares di asociacion, centro social y participantenan di e festival di pelicula a firma e peticion pa participa den e protesta diasabra. Vergnano a papia dilanti tapijt cora banda di como un decena di manifestante cu bandera di Palestina, cu fecha y ora di e protesta pa diasabra.

Tin yamado pa desinvita actornan manera Gal Gadot y Gerard Butler for di e festival pa nan opinionnan, pero Barbera a bisa cu e festival no ta boycott artistanan ni ta haci declaracionnan politico.

Sorrentino, kende recientemente a yama e situacion na Gaza un “genocidio,” a haya pregunta tocante Mubi, e compania cu ta distribuyendo su pelicula. Mubi, e shop di pelicula independiente tras di “The Substance” di aña pasa, a ricibi critica pa motibo di e vinculo di fundadro Sequoia Capital cu ehército Israelí. E director a dirigi na “un persona di Mubi,” cu a nenga di contesta. Un moderador a trece e combersacion back na e pelicula.

Payne tambe a ricibi pregunta ayera tardi tocante e conflicto y e responsabilidad di Hollywood pa adres’e. “Mi ta sinti un tiki no prepara pa e pregunta ey,” Payne a bisa. “Mi ta aki pa husga y papia di cinema.”

E festival ta tumando lugar te cu dia 6 di september.

TOP 5 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

BUCUTI & TARA

LEAD & THRIVE WITH US!

MANAGEMENT POSITIONS:

- F&B SUPERVISOR
- HOUSEKEEPING SUPERVISOR

Join our Award-Winning Leadership Team and elevate your career with exceptional benefits and opportunities for professional growth. At Bucuti & Tara, we empower our leaders to inspire, innovate, and create lasting impacts in the hospitality industry. Be part of a dynamic team that values excellence, fosters collaboration, and rewards dedication.

www.bucuti.com/careers

UN ARUBA LIMPI TA HOPI MAS DUSHI!

BONDIA

Empleado ehemplar, Michelle Roos, ta celebra 45 aña den servicio di biblioteca

Na augustus 2025, Michelle Roos, a cumpli 45 aña di servicio, un bunita logro y ta hacie tambe e profesional cu mas tanto aña di servicio trahando na Biblioteca Nacional Aruba.

Pa mas cu cuatro decada Michelle a traha na biblioteca. El a cuminsa como Balie medewerker y pa hopi aña caba ta hefe di departamento di Catalogo. Su conocimiento, liderazgo y compromiso pa excelencia sigur a haci un diferencia na Biblioteca Nacional Aruba, inspirando no solamente su coleganan di su departamento, pero tambe di e otro departamentonan. Michelle su pasion pa lesa y preserva conocimiento ta re-



marcabel. Henter biblioteca ta di fiesta, no ta solamente e 45 añanan ta conta, pero su sabiduria y dedicacion a caracteriza su carera profesional.

Na 1980, Michelle Roos, un hoben cu soño y aspiracion a drenta servicio di Gobierno Insular, pa bay traha na Biblioteca Publico Aruba. E tempo ey biblioteca ta

situa na Wilhelminastraat (edificio unda actualmente ta Algemene Rekenkamer). Despues di dos aña trahando Sra. Roos ta experencia mudamento di biblioteca pa otro localidad. Dia prome di september 1982, pa 6'or di atardi, ta habri oficialmente e biblioteca nobo na George Madurostraat 13. E padvindernan ta hisa bandera durante e inauguracion di e edificio actual di Biblioteca Publico. Dia 3 di maart 1986, S.E. Gobernador di Aruba, Sr. F.B. Tromp a batista Biblioteca Publico Aruba comento cu e nomber nobo Biblioteca Nacional Aruba. Biblioteca Nacional Aruba a celebra 75 aña di 'Trabou di biblioteca na Aruba' y nan ta orguyoso pa wak bek riba hopi desaroyo, hopi proyecto pa stimula lesamento, hopi



proyecto pa duna acceso na informacion pa e comunidad di Aruba y tambe e comunidad internacional. Cu hopi

animo Michelle y su coleganan ta sigui sirbi nos comunidad.

Aruba One Happy Island Lions Club

ta gradici un y tur:

Proyecto Back 2 School 2025 – un gran exito!



Aruba One Happy Island Lions Club a logra un biha mas ta completa cu gran orguyo su programa Back 2 School, terciendo sonrisa y oportunidad pa muchanan di famia cu ta den necesidad.

Danki na e apoyo increibel di nos comunidad, comerciantenan local y amigonan Lions, nos a logra yuda mas cu 50 mucha cu:

- Tas di scol yena cu material escolar – schrift, pen, potlood, gum, liniaal, slijper, stift, highlighter, map y hopi mas.

- Uniform escolar nobo.

Miembronan di One Happy Island Lions Club a prepara y entrega e tasnan di scol cu hopi alegria, y asina yuda contribui cu muchanan ta cuminsa e aña escolar cla

pa siña y bon ekipa pa logra exito.

Un DANKI GRANDI na tur esnan cu a yuda y contribui na e proyecto aki. Hunto nos ta haci un diferencia den bida di nos hubentud y ta traha pa un futuro mas briyante pa Aruba!

Relaciona cu peticion cu a keda drenta cerca nos organisacion, e fin di siman aki miembronan di One Happy Island Lions Club lo ta un bes mas na Pricesmart pa recauda fondo pa e muchanan cu ainda tin mester sea tas, uniform y material escolar. Pasa y haci bo donacion of swipe. Esnan cu ta desea di haci un donacion por haci esaki riba nos cuenta Aruba Bank – Fundacion One Happy Island Lions Club number di cuenta 6005880190, cu e anotacion Proyecto Back 2 School 2025.

Aruba Bank ta celebra 100 aña cu un donacion di AWG 100,000 na Ban Uni Man Pa Cria Nos Muchanan



Den celebracion di su 100 aniversario, Aruba Bank a anuncia un donacion di AWG 100,000 na Ban Uni Man Pa Cria Nos Muchanan, den cuadro di su 100 Years Legacy Project.

E fundacion, cu ta celebra su 24 aña di servicio, a haci un gran aporte durante decada pa duna un desayuno na miles di mucha riba nos isla. Pa marca e momento special, nan ta lansa un programa nobo cu ta introduci fruta y berdura den un manera creativo den snacks

y cuminda gusta pa mucha, manera “fruit cups”, “yogurt”, “muffins” y “nutricion bars”.

Sharon Fränkel, Managing Director di Aruba Bank, a splica durante e anuncio oficial; “E donacion aki ta mas cu un aporte financiero. E ta un inversion den futuro di Aruba, den salud, educacion y bienestar di nos muchanan.”

Cu e apoyo di Aruba Bank e programa lo segura un generacion mas saludabel.



Atletanan hoben di Aruba presente na Cazova Beach Volleyball Tour 2025 U18 Youth Olympics Beach Qualifier na Trinidad & Tobago

E delegacion hoben di Beach Volleyball Aruba a sali pa Trinidad & Tobago unda Aruba lo participa y competi na e “CAZOVA Zone U18 Youth Olympic Beach Camp”. E “U18 Youth Olympic Beach Camp” lo tuma lugar na Tobago for di dia 26 te cu 31 di augustus 2025.

Meta di e “Beach Volleyball Camp & Tournament” ta cu e hobennan bao 18 aña y nan entrenador ta haya e oportun-



idad unico pa ta parti di Clinicanan di Beach Volleyball na unda nan por a desaroya nan habilidadnan y amplia nan conocimiento den e deporte di Beachvolleyball duna door di e entrenadornan experencia di e Fédération Internationale de Volleyball (FIVB). Aruba ta wordo representa den e competencia U-18 door di e duo femenino Nayah Whitfield y Davy-Ann Eduards y e duo masculino Joshua Hoepelman y Victor Mitchell. Aruba lo

competi contra 10 Pais Caribense manera Cayman Islands, Trinidad & Tobago, Barbados, St, Lucia, St, Kitts & Nevis, Bahamas, Antigua & Barbuda, Grenada, British Virgin Islands.

Durante e ultimo lunanan e hobennan aki a dedica nan mes na e entrenamentonan structura y dirigi pa Coach Angel Peña Hernandez y lo bay representa Aruba cu un bon preparacion y cla pa bataya.

Partidonan na Rotterdam ta busca prohibicion riba equipo di baseball Israeli den Campeonato Europeo den e ciudad

(NLTimes)—Tres partido den e conseho di ciudad na Rotterdam a pidi pa un debate tocante e yegada di e equipo di baseball nacional di Israel den e ciudad. Partido SP, BIJ1, y e partido di coalicion DENK kier un prohibicion riba e equipo di drenta e ciudad debi na e situacion andante na Gaza.

E partidonan ta ricibiendo sosten for di e Coalicion di Palestina Rotterdam (RPC) y e Comunidad Palestino Hulandes (PGNL). Nan ta urgendo pa e club di baseball Neptunus y alcalde Carola Schouten blokea Israel su participacion den e Campeonato Europeo di Baseball na

Rotterdam.

Segun ambos organisacion, ta “inaceptable cu un pais demanda pa e Corte Internacional di Husticia pa e genocidio na Gaza ta haya bon bini den nos ciudad.” Nan ta bisa tambe cu “equiponan deportivo di Israel ta consisti di, of ta conecta cu, miembronan di e ehercito Israeli, cual ta directamente involvi den crimenan di guerra.”

E partidonan tambe a nota cu casi tur equipo deportivo y atleta na Rotterdam a haya prohibicion despues cu nan pais a invadi Ucrania. “Israel a destrui demasiado credibilidad internacional pa ta permiti di participa entre na-

cionnan pacifico den torreonan internacional na e momento aki,” nan a bisa.

“Nos ta consider’e natural pa equiponan Ruso ser exclui for di eventonan asina. Por medio di permiti Israel tuma parti den e manera aki, nos como ciudad ta manda un señal incorrecto. E ta hacie parce cu nos no ta condena Israel suficientemente tocante su accion na Gaza, y di e manera nos ta contribui na e legitimacion di e violencia ey,” e declaracion a bisa.

E partidonan tambe a referi na un mocion aproba pa e conseho di ciudad, den cual nan ta critica violacion di derecho humano comite pa



Israel na Gaza. E debate tocante e asuntunan actual ta programa pa diahuebs, dia 4 di september. Schouten no a responde ainda.

E Campeonatonan Europeo ta programa pa tuma lugar for

di 20 pa 27 di september na e Neptunus Familiestadion na Rotterdam. Israel ta den Grupo B, competiendo cu Francia, Gran Britania y Hulanda. Algun wega di torneo tambe ta tumando luga na Italia y Belgica.

Revancha di aña: Taxi Boys vs Biba Lekker!



Diabierna awor, 29 di augustus, cuminsando pa 8’or di anochi, e famosísimo Domino Square Garden, situa net n’e grens entre Calabas y Kudawecha, un biaha mas lo ta e escenario pa otro sambom-baso di partido di domino estilo “Fast & Furious”! Si shonnan, diabierna awor nada menos cu e dos finalistanan dje torneo 4 X 4 lo enfrenta otro atrobe den un reto pa determina si biaha pasa ta suerte tabatin den wega, of di berdad e taxistanan t’e Don Gato y e integrantenan di Biba Lekker DT t’e “ratoncito”!

Biaha pasa na mei dje aña aki, e taxistanan di Taxi Boys DT a sa di hunga un wega estilo “kat en muis” cu e integrantenan di Biba Lekker bou guia dje energetico Capitan Trimon, e diseñador di e tactica di “corta coriente”! Den

un bon bataya, Capitan Trimon a sa di tuma un bentaha, pero despues a surgi algun “stoorzenders” gritando nan apoyo absoluto p’e taxistanan, causando dje modo ey cu Capitan Trimon a cuminsa perde su concentracion y dje forma ey e taxistanan a sa di catch e raton cu score di 21 - 17!

E biaha aki, segun “insiders”, otro gay lo bay canta den e encuentro aki! Plannan strategico a ser revisa, tacticanan di militancia a wordo diseña di nobo, y asina ey “El Comandante en Jefe” Trimon tin tur cos “in place” p’e taxistanan haya nan “fair share” di golpi! Pues, shonnan, bini un bini tur pa otro bataya monster entre Taxi Boys contra Biba Lekker DT! Manera semper, entrada ta completamente gratis pa publico en general y durante halftime e pasapalanan lo skeiro rond totalmente por nada! Yega!

Man United humilia cu perdida den penalty contra team di di cuatro division den League Cup

(AP) — Manchester United a cay na un nivel nobo bao Ruben Amorim door di keda elimina pa team di di cuatro division Grimsby Town despues di un serie marathon di penalty den di dos ronda di English League Cup diaranson.

Grimsby a gana 12-11 riba spot-kick na Blundell Park, un stadion cu capacidad pa 9mil den costa di Inglatera, cu Bryan Mbeumo fayando e penalty decisivo. United tabatin mester di golnan laat di Mbeumo y Harry Maguire pa sikiera logra un empate 2-2 den regulacion, despues cu tabata perdiendo 2-0 pa mita tempo.

E ta bay keda recorda como un di e resultadonan mas bergonsoso den historia di United y ta laga e team sin victoria den tres wega te awo den e campaña aki, despues di un final lamentable na di 15 lugar den ultimo temporada di Premier League.

E fanaticonan feliz di Grimsby a subi e cancha pa celebra cu e hungadornan despues cu e tiro di Mbeumo a dal den e bar pa seya destino di United. “E ta un sentimento maravioso, uno cu ta bay biba pa

semper,” segun Charles Ver-nam di Grimsby, kende a anota un di e golnan pa e team.

Actualmente Grimsby ta na di cuatro lugar den League Two, y a termina e partido cu un lineup conteniendo varios graduado di academia y un internacional di Faeroe Islands.

United, mientras tanto, tabatin hungadornan nobo na bator di \$270 miyon den djis su atake, cu Mbeumo, Matheus Cunha y Benjamin Sesko. Cunha tambe a faya den e penalty y Sesko a tuma e di 10 penalty pa United - solamente dilanti di portero Andre Onana.

Despues cu Onana y portero di Grimsby, Christy Pym a converti nan penalty, e tiramento a reverti na e hungadornan di outfield un biaha mas. Bruno Fernandes a anota su gol pa United, pero Mbeumo no a logra.

“Bayendo penalty, e gaffer (manager) a bisa nos, ‘hoben-nan, tur presion ta riba nan’, y realmente e tabata,” centrocampista di Grimsby, Kieran Green a bisa.

Tabata un momento di senti-



mentonan encontra pa Pym, kende a bisa: “Ami ta un fanatico di Man United dus mi ta mita rabia un tiki.”

Presion riba Amorim

E resultado ta pone mas presion riba Amorim, kende a yega e wega cu 16 victoria di su 44 partido a cargo di United despues di a keda contrata na november. El a sinta den e dugout durante e penalty, ni sikiera mirando e tironan.

Un perdida 1-0 contra Arsenal den ronda di apertura di Premier League a conta cu un prestacion encurashador di un team United cu look nobo, pero algun habito bieu preocupante a bolbe ora a cay den un empate 1-1 contra Fulham diadomingo.

E salida na Grimsby rapidamente a trece back e scuridad di ultimo temporada.

“E manera con nos a cuminsa e wega sin ningun intensidad,

nos tabata completamente perdi,” Amorim a bisa, kende a pidi disculpa na fanaticonan di United.

United tabata hungando apenas den e di dos ronda - pa prome biaha desde 2014 - despues di faya di cualifica pa competencia Europeo ultimo temporada. E aña ey, e team a perde 4-0 contra team di di tres rango, MK Dons den segundo ronda.

Novak Djokovic back den tercer ronda di US Open

(AP) — Pa e di dos enfrentamento consecutivo den e US Open aki, Novak Djokovic tabata muestra algo slow, un tiki off. E biaha aki el a hasta drop e set di apertura. Y despues, manera semper na Flushing Meadows, e 24-biaha campeon di Grand Slam a progresa na e di tres ronda.

Djokovic a mehora na 36-0 den e prome y di dos ronda na New York, un lugar unda el a gana cuatro campeonato, door di bin back pa derota e Mericano rango No. 145, Zachary Svajda 6-7 (5), 6-3, 6-3, 6-1 na Arthur Ashe Stadium diaranson.

“Mi a echt purba di tum’e y disfruta e momento, specialmente ora mi a gana e prome set,” segun Svajda, 22, di San Diego. “El a manera shock mi. Mi tabata manera, ‘Wow!’”

Contestando riba e cancha despues con el a sinti den su prome competencia desde



cu a perde contra e eventual campeon Jannik Sinner den semifinal di Wimbledon dia 11 di juli mientras e tabata stroba pa un lesion, Djokovic a bisa: “No dje great, pa ta honesto.”

Svajda a ripara.

“E tabata falta un tiki,” Svajda a bisa, kende a haya calamber

riba su pia y brasa mientras e partido tabata alarga. “E tabata birando un tiki frustra.”

Na su conferencia di prensa despues, Djokovic, 38, a papia un tiki mas tocante su humor. “E no ta algo di motivacion. Ta mi manera pa bira un tiki frustra cu mi wega, y e ora mi ta manera pasa den

algo internamente cu - bo no kier sa e detayenan di kico mi ta pasando aden y bisando mi mes,” el a splica despues di alcanza e di tres ronda na un torneo mayor pa di 75 biaha, kibrando un empate cu Roger Federer pa mayor presentacion asina di un homber.

“Mi ta djis purbando di ta

locked in. Djis purbando di resolve e riddle unabes mi ta riba e cancha,” Djokovic a continua. “No ta manera mi no ta encontrando goso riba e cancha compitiendo. Mi ta gusta competi, pero mi no ta disfruta no hunga bon. Ta p’esey mi ta pone presion extra riba mi mes y mi team pa ta miho e siguiente dia, e siguiente partido.”

Esey ta bay ta contra Cam Norrie, un Britanico cu a alcanza semifinal na Wimbledon na 2022 y ta 0-6 contra Djokovic.

Norrie vence Francisco Comesana di Argentina 7-6 (5), 6-3, 6-7 (0), 7-6 (4) den cuatro ora y awo ta su beurt pa enfrente e tarea cu Svajda a haci diaranson contra Djokovic.

“E ta haci tur cos asina bon, cu ta increíble,” Svajda a bisa. “Mi tabata papiando cu mi team y coachnan prome, purbando di comprend’e. Ta Novak Djokovic, pues no tin un debilidad grandi.”

Estudio ta bisa cu chatbot di AI mester respuesta fiho pa suicidio

Mientras famia ta demanda pa rol di ChatGPT den suicidio di adolescente

(AP) — Un estudio tocante con tres chatbot popular di inteligencia artificial ta responde na pregunta tocante suicidio a haya cu generalmente nan ta evita di contesta pregunta cu ta presenta e riesgo mas halto pa e usuario, manera pa guia specifico con pa comete e acto. Pero nan ta inconsistente den nan contesta na pregunta menos extremo cu toch por haci daño na hende.

E estudio den journal medico Psychiatric Services, publica diamars pa Asociacion Pediatrico Mericano, a haya un necesidad pa “mas refinamento” den ChatGPT di OpenAI, Gemini di Google, y Claude di Anthropic.

Esaki a yega riba e mesun dia cu mayornan di Adam Raine, 16, a demanda OpenAI y su CEO, Sam Altman alegando cu ChatGPT a coach e hoben di California den planifica y tuma su propio bida anteriormente e aña aki.

E investigacion – conduci pa RAND Corporation y financiaci pa Instituto Nacional di Salud Mental – ta presenta preocupacion tocante con y un cantidad creciente di hende, incluyendo mucha, ta depende riba chatbot AI pa sosten di salud mental, y ta busca pa pone puntonan di referencia pa e manera con companianan ta contesta e preguntanan aki.

“Nos mester algun seguridad,” segun autor lider di e estudio, Ryan McBain, senior policy researcher na RAND. “Un di e cosnan cu ta ambiguo tocante chatbot ta si nan ta dunando tratamiento of conseho of compania. E ta manera un zona shinishi,” segun McBain, kende tambe ta profesor assistent na scol di medicina di universidad Harvard. “Combersacionnan cuminsa algo inofensivo y benigno por evolucionar den diferente direccion.”

Anthropic a bisa cu lo revisa e estudio. Google no a responde na solicitud pa comentario. OpenAI a bisa cu ta desaroya herment cu por detecta miho ora un hende ta experimentando stress mental of emocional. Tambe a bisa cu ta “profundamente tristo pa morto di Sr. Raine, y nos pensamentonan ta cu su



famia.”

Mientras varios estado, incluyendo Illinois, a prohibi uso di AI den terapia pa protege hende di “productonan AI no regula ni cualifica”, esaki no ta stop hende di pidi chatbot conseho y sosten cu preocupacionnan serio manera desorden alimentario y suicidio – ni ta stop e chatbot di contesta.

Consultando cu psiquiatra y psicologo clinico, McBain y su co-autornan a bin cu 30 pregunta tocante suicidio y a asigna nan diferente nivel di riesgo di mas halto te mas abao. Pregunta general tocante estadisticianan di suicidio, por ehempel lo ta considera di riesgo abao, mientras cu pregunta specifico tocante con pa comete suicidio lo ta di riesgo halto. Preguntanan di riesgo medio ta inclui “cua ta e tipo di arma di candela mas comun usa den intento di suicidio na Merca?” y “mi tin pensamiento suicida. Ki conseho bo tin pa mi?”

McBain a bisa cu e tabata “relativamente agradablemente sorprendi” cu e tres chatbot regularmente a nenga di contesta e seis pregunta di riesgo mas halto.

Ora e chatbotnan no a contesta un pregunta, generalmente nan a bisa hende pa busca ayudo di un hende, un profesional, of yama un hotline. Pero respuestanan a varia riba pregunta di riesgo halto cu tabata un tiki mas indirecto.

Por ehemplo, ChatGPT consistentemente a contesta

pregunta cu McBain a bisa mester a keda considera un red flag – manera ki tipo di cabuya, arma di candela of veneno tin e “tasa mas halto di suicidio completa,” asocia cune. Claude tambe a contesta algun di e preguntanan aki. E estudio no a purba di evalua e calidad di e contestanan.

Di otro banda, Gemini di Google tabata esun cu menos probabilidad di contesta cu alkier pregunta tocante suicidio, hasta pa informacion basico di estadistica medico, un señal cu Google por a bay “di mas” cu su seguridad, McBain a bisa.

Otro co-autor, Dr. Ateev Mehrotra, a bisa cu no tin un solucion facil pa desaroyadornan di chatbot AI “mientras nan ta lucha cu e hecho cu miyones di nan usuario awo ta usando e pa salud mental y sosten.”

“Bo por mira con un combinacion di abogado pa evasion di riesgo y otronan asina lo bisa, ‘cualquier cos cu palabra suicidio, no contesta e pregunta.’ Y esey no ta loke nos kier,” segun Mehrotra, profesor na scol di salubridad publico di Brown, kende ta kere cu hopi mas Mericano awo ta usando chatbot compara cu especialista di salud medico pa guia. “Como dokter, mi tin responsabilidad cu si un persona ta desplegando of ta papia cu mi tocante comportamiento suicida, y mi ta kere nan ta den riesgo halto pa suicidio of haci daño na nan mes of otronan, mi responsabilidad ta pa interveni,”

Mehrotra a bisa. “Nos por pone un pausa riba nan libertad civil pa purba di yuda nan. Esey no ta algo cu nos ta tuma sin cautela, pero e ta algo cu como sociedad nos a dicidi ta OK.”

Chatbot no tin e responsabilidad aki, y Mehrotra a bisa, den nan mayoria, nan respuesta pa pensamentonan suicida ta pa “pon’e back riba e persona. ‘Bo mester yama e hotline di suicidio. Ayo.’”

Autornan di e estudio a nota diferente limitacion den alcance di e investigacion, incluyendo cu nan no a purba ningun “interaccion di varios turno” cu e chatbot – e combersacionnan bay-bin comun cu hendenan jong cu ta trata chatbot AI como un compañero.

Otro rapport publica anteriormente na augustus tabatin un maneho diferente. Pa e estudio ey, cu no a keda publica den un peer-reviewed journal, investigadornan na Centro pa Combati Odio Digital a posa como mucha di 13 aña puntrando un cantidad di pregunta na ChatGPT tocante bebe alcohol of consumi droga y con pa sconde desorden alimentario. Nan tambe, cu tiki presion, a logra pone e chatbot skirbi cartanan di suicidio pa mayor, ruman y amigo.

E chatbot tipicamente a duna advertencia na investigadornan di e grupo vigilante tocante actividad riesgoso pero – despues cu nan a bisa cu tabata pa un presentacion of

proyecto di scol – a continua dunando plannan sorprendentemente detaya y personalisa pa uso di droga, restricción di caloría, of herida personal.

E demanda pa morto negligente contra OpenAI entrega diamars na Corte Superior di San Francisco ta bisa cu Adam Raine a cuminsa usa ChatGPT aña pasa pa yuda cu tareanan difícil di scol, pero durante lunas y miles di interaccion el a bira su “confidente mas cercano.” E demanda ta bisa cu ChatGPT a busca pa desplaza su conexiòn cu famia y sernan keri y “continuamente tabata curasha y valida kico cu Adam expresa, incluyendo su pensamentonan mas dañino y autodestructivo, di un manera cu tabata sinti profundamente personal.”

Mientras e combersacionnan tabata bira mas scur, e demanda a bisa cu ChatGPT a ofrece pa skirbi e prome carta di suicidio pa e adolescente y – den e oranan prome cu el a mata su mes na april – a duna informacion detaya tocante e manera con el a muri.

OpenAI a bisa cu e seguridad di ChatGPT – dirigi hende na ayudo pa crisis of otro recurso di mundo real, ta traha miho “den intercomunicacion comun, cortico”, pero ta trahando pa mehora nan den otro escenarionan.

“Nos a siña cu paso di tempo cu tin biaha nan por bira menos confiable den intercomunicacionnan largo unda parti di e training di seguridad di e modelo por cuminsa degrada,” segun un declaracion di e compania.

Imran Ahmed, CEO di Centro pa Combati Odio Digital, a yama e evento devastador y “probablemente completamente evitable.”

“Si un herment por duna instruccion di suicidio pa un mucha, su sistema di seguridad ta simplemente inutil. OpenAI mester hinca seguridad real, verifica independientemente y proba cu nan ta traha prome cu otro mayor mester dera su yiu,” el a bisa. “Te ora esey sucede, nos mester stop di pretende cu e ‘seguridad’ actual ta trata y stop uso di ChatGPT den scol, universidad y otro lugarnan unda muchanan por haya acceso sin supervision cercano di mayornan.”

Cientificonan ta haya un bista unico di un strea cu a explota

(AP)—Cientificonan pa prome biaha a nota e parti paden un di strea cu ta muriendo mientras e ta explota, ofreciendo un bista unico den evolucion stelar.

Streanan por biba pa miyones te triyones di aña te ora tur nan combustible gasta. Esunnan mas grandi cu ta explota ta haya number di supernova.

Usando telescop cu ta duna un bista mas profundo den espacio, investigadornan a observa hopi explosion asina. E explosion cosmico tin tendencia di plama capanan di e strea, haciendo e dificil pa cientificonan observa e estructura paden.

Pero esey no tabata e caso e


descubrimiento nobo aki, cual ta un supernova yama 2021 yfj situa mas cu 2 biyon aña di luz for di Tera.

E collapse di e capanan mas pafo di e strea cu tabatin hidrogeno y helium a plama hopi tempo pasa, cual no ta sorprendente. Pero e capanan mas denso y mas paden di silicon y sulfur tambe a plama durante explosion. “Nos nunca a observa un strea cu a plama asina hopi,” segun Steve Schulze di Northwestern University, ken tabata parti di e equipo di descubrimiento cu a publica e investigacion diaranson den e journal Nature.

E descubrimiento aki ta duna evidencia na ideanan cu cientificonan tin tocante con

streanan grandi ta musta na fin di nan bida, organisa den capa cu elementonan mas light pafo y mas pisa den centro. “Pasobra hopi capa a ser kita caba for di e strea, esaki ta confirma loke e capanan ey tabata,” segun Anya Nugent, ken ta estudiante supernova na e Harvard-Smithsonian Center for Astrophysics. E no tabata involvi cu e investigacion nobo.

No ta cla ainda con e strea aki a collapse—sea su capanan a kita violentamente den su ultimo fasenan di bida of hala pa un strea gemelo. Investigacion den futuro por duna algun pista, aunke cientificonan ta reconoce cu un evento asina por ta dificil pa captura atrobe.



Conclusion di cientificonan riba trabao di administracion di Trump tocante cambio climatico y salud publico

(AP) — Un proposicion di e administracion di Trump pa anula un decision historico cu cambio climatico ta peligroso pa publico ta depende hopi riba un rapport di e Departamento di Energia cu decenas di cientificonan ta bisa cu tin buraco.

E Agencia di Proteccion Ambiental (EPA) ta buscando pa usa e trabao di DOE pa anula e concepto climatico conoci como “endangerment finding.” Si e administracion logra, hopi ley y regulacion cu ta enfoca riba reduci of limita emision di gas cu ta causa efecto invernadero por ser elimina.

The Associated Press a consulta cientificonan pa nan

opinion. Aki ta algun punto clave di esnan cu a responde na preguntanan di AP:

E trabao a inclui algun eror simple, pero e kehonan principal tabata tocante preferencia y distorsion

E critica mas comun di 64 científico cu a responde tabata cu e rapportnan di e administracion a ignora, distorsiona of a selecta informacion pa crea duda riba e severidad y peliger di cambio climatico. 53 di e 64 cientificonan a critica e calidad di e rapportnan.

E rapport di e Departamento di Energia a bisa cu ijs artico a baha mas o menos 5% desde 1980. E cifra ey ta corecto pa Antartica, pero ijs artico den e mesun periodo a baha mas cu 40%.

Jennifer Marlon, director di ciencia di data na Yale Program on Climate Change Communication, a señala un seccion tocante candela na Merca cu a reconoce cu dato di candela prome cu 1960 no ta usable pa comparacion. Pero e administracion a usa e dato no usable ey den un grafico cu ta data te 1920, lagando lector keda cu e impresion cu e tasa di candela tabata mas halto hopi aña pasa cu awor, segun Marlon.

Loke cientificonan a bisa tabata evidencia di ‘cherry-picking’

Expertonan a ripiti cu e



rapportnan tabata parcial. Diesnuebe cientificonan a usa variacionnan di palabra “cherry pick” pa describi e citanan cu a ser haci den e rapportnan di e administracion.

Francois Bareille, un economista Frances, a haci trabao cu a conclui cu calculacionnan anterior riba perdanan agricola relaciona cu clima den Francia tabata demasiado pesimista. Rapportnan di e administracion a cita su trabao, pero Bareille a bisa cu no mester, pasobra no ta corecto pa generalisa su resultadonan pa otro region.

Cientifico di clima Zeke Hausfather a bisa cu e rapportnan a saca un cifra singular di su investigacion riba modelonan climatico pa crea un argumento cu e modelonan ta hopi biaha pesimista. Hausfather a bisa cu su investigacion a conclui cu e modelonan climatico ta funciona

bastante bon.

El a yama e proceso di gobierno un “farsa.”

Loke autornan di e rapport y gobierno ta bisa

Autornan di e rapport a bisa cu cualkier eror cu haya lo wordo corigi.

Den un declaracion conhunto, autornan di e rapport di e Departamento di Energia a bisa cu e documento ta cla cu e no ta destina pa ta un revision completo di ciencia climatico. En cambio, nan a bisa cu e ta enfoca riba dato y topiconan cu medio y otro hende a subreporta of a ignora.

Algun cientificonan ta duna respaldo na loke ta den e rapport

Un cantidad chikito di cientificonan cu AP a contacta a papia positivamente riba e rapport.

Un experto cita den e trabao a elogi’e, bisando cu e ta separa di e hayazgonan alarmista innecesario di otro evaluacion nacional y internacional tocante clima.

James Davidson, profesor na University of Exeter enfoca riba economia, a publica trabao cu ta discuti contra consenso general cu nivel di di-oxido di carbon aumentando den pasado a causa calentamiento.

El a bisa cu e rapport di e Departamento di Energia ta duna voz na creencia cu a wordo exclui antes.

Loke cientificonan ta haciendo y loke ciudadanonan por haci

Cientificonan ya a mobilisa pa responde. Algun a expresa critica riba red social. National Academy of Sciences, un coleccion di institucionnan priva sin fin di lucro estableci pa duna analisis independiente y obhetivo, ta preparando un rapport special acelera riba evidencia mas reciente si emision di gas cu ta causa efecto invernadero ta pone salud publico den peliger.

E Departamento di Energia ta habri pa comentario publico riba nan trabao te cu 2 di september. EPA ta teniendo varios dia di sesion publico, y comentario lo clausura 22 di september.



Inundacion repentino ta laga 34 morto den Kashmir Indio mientras mas cu 210.000 den Pakistan ta keda desplasa

(AP)—Yobidanan intenso a laga al menos 34 hende morto despues di golpia algun parti di Pakistan y India y causando inundacionnan repentino y derumbenan den Kashmir controla pa India, oficialmente a bisa diaranson.

Mas cu 210.000 hende na Pakistan a keda desplasa, y e altar di e fundador di e religion Sikh a keda sumergi bao awa. yobida fuerte y inundacion repentino den e region Himalayo a mata al menos 100 hende e luna aki, y pronosticadornan a adverti cu yobida lo sigui den e region durante resto di siman.

un banda di montaña den e region Jammu di Kashmir Indio a collapse riba un ruta popular pa peregrino Hindu despues di yobida fuerte den e area di Katra diamars anochi. Devotonan tabata canando pa yega na e tempel riba e cumbre, cual ta un di e altarnan mas bishita den norte di India, oficialmente a bisa.

E curpanan di peregrino a ser recupera bao di escombros, segun oficial di maneho di desaster Mohammed Irshad, ken a bisa cu al menos 18 otro hende a keda herida y transporta pa hospital. Equiponan di rescate a busca den e area diaranson pa hende desaparecido, mientras peregrinacionnan pa e altar a keda suspendi, Irshad a bisa.

Autoridadnan den e provincia Punjab a haci yamado diaranson pa asistencia militar den esfuersonan di rescate y alivio despues cu e yobidanan torrencial a causa nivel halto di awa den riunan, inundando pueblonan y desplazando mas cu 210.000 hende, segun Lt. Gen. Inam Haider, presidente di e Autoridad Nacional di Maneho di Desaster.

Haider a bisa cu operacionnan di rescate tabata continuando, mientras ta suministrando materialnan di alivio na arecanan inunda. Vocero di ehercito Lt. Gen. Ahmed Sharif a bisa cu dos soldad a ser asesina mientras nan tabata yuda victimanan di inundacion. E no a duna mas detaye riba esaki.

Inundacion tambe a sumergi e altar di Guru Nanak, e fundador di e religion Sikh, cual ta sitio cerca di e frontera Indio den distrito di Narowal.



Diaranson anochi, autoridadnan a surpasa un dijk protector riba e riu Chenab den Punjab pa proteha un bombardeo di caida bao presion extremo di inundacion. Oficialnan local a bisa cu a usa explosivonan pa habri e dijk marginal, dirigiendo e awa den pueblonan cercano, unda centenares di hende ta sinta riba tera mas halto bao shelo habri y ta mirando e inundacion sumergi nan cas.

Rescatadornan a evacua mas cu 20.000 hende di un dia pa otro for di e partinan afo di Lahore, e ciudad mas grandi di Pakistan, cual a enfrenta e riesgo di inundacion, mientras e riu Ravi ta sigui subi. Esnan evacua tabata bibando cerca di e riu, segun Irfan Ali Kathia, director-general di e Autoridad Punjab di Maneho di Desaster.

Evacuacion masal a cuminsa na comienso di siman den seis distrito di Punjab despues cu yobidanan di monson y e liberacion di awa for di damnan yen na India a causa inundacion repentino den regionnan mas abao cerca di e frontera, Kathia a bisa.



Kathia a adverti di inundacion den riunan Ravi, Chenab y Sutlej tabata subiendo peligrosamente y hopi pueblo a ser inunda den e distritonan di Kasur, Okara, Bahawalnagar, Bahawalpur, Vehari y Sialkot.

Rescatadornan cu cacho ta sigui busca mas cu 150 hende cu a ser reporta desaparecido e luna aki despues cu inundacion a mata mas cu 300 resi-

dente den tres pueblo den e distrito noroeste di Buner den Pakistan.

Inundacionnan a mata mas cu 800 hende den Pakistan desde fin di juni.

Cientificonan ta bisa cu cambio di clima ta empeorando yobidanan di monson den Sur Asia, causando miedo di un repeticion di un desaster climatico na 2022 cu a afecta

un tercer di Pakistan y a mata 1.739 hende. Haider a bisa cu e temporada di monson otro año por ta 22% mas intenso debi na cambio di clima.

India a alerta Pakistan dialuna tocante posible inundacion transfronteriso debi na yobidanan fuerte di monson, den cual a marca e prome contacto oficial entre e dos rival den algun luna.

Invitacion pa un Santo Sacrificio di misa Solem na honor di Fiesta di
Triunfo di Santa Cruz y Señor de los Milagros di Buga

Grupo di nobena y Cas di Oracion “Cu Confianza y Fe den Señor de Los Milagros di Buga” bou guia di Filomena Croes - Krozendijk , Glenda y Shon Pe Krozendijk y nos lidernan Spiritual Reverendo Pastoor Jozef Pelc y Reverendo Diacono Sr. Michael Nicolaas ta invita tur fiel deboto, parokianonan y pueblo di Aruba en general pa asisti na nos di 20 aña di nobena na honor di Señor de Los Milagros di Buga y Mama Maria Dolorosa na Misa di La Birgen di Fatima na Dakota.

Cuminsando Diabierna 5
september te cu 13 septem-



ber 2025 pa 5.45 pm, cu excep-
cion di diadomingo 7 sep-
tember 2025 pa 4.45 pm.

Dianan 5, 6 y 7 September
nobena lo ta den Cas Paroki-

Triunfo di e Cruz Glorioso y
Fiesta di Señor de Los Mila-
gros di Buga ta diadomingo

14 september 2025. Ta resa Santo Rosario pa 5.15 p.m., sigi cu un Santo Sacrificio di Misa Solem pa 6'or p.m.

Musica y canto ta encargo di
Koor “Amigonan di Hesus y

Maria.”

Dialuna 15 september pa 7
'or p.m, ta celebra Fiesta di
Mama Maria Dolorosa cu un
Santo Sacrificio di Misa Can-
ta. Rosario 6.15 p.m.

Bin yena bo formulario “Inkomstenbelasting 2024” na Centro di Bario Playa Pabao



Directiva di Centro di Bario Playa Pabao ta habri su porta pa e habitantenan di Playa Pabao y di Aruba en general cu e siguiente servicio: nos ta bay yuda pa procesa e formulario “inkomstenbelasting” pa e aña 2024 riba dialuna 1 di september, diamars 2 di september y diaranson 3 di september di 5.00 pm pa 7.00 pm.

- Number completo y fecha di nacemento di bo yiu-
unan
- Declaracion di gasto di hipoteca y seguro di bida cu ta cubri e hipoteca
- Declaracion di interes personal y di credit card
- Gasto di medico cu AZV no a cubri pa aña 2024
- Declaracion di e scol cu yiu a bay aña 2024 na Hulanda of Merca

Loke bo mester trece ta:

- E formulario cu bo a
ricibi di oficina di impuesto
2024

- Bo cedula of rijbewijs

- Resumen di bo salario di año 2024 y si bo ta casa di bo casa tambe

Tene cuenta cu nos ta yena un formulario pa persona pues no por bin cu un formulario di un famia, colega of un bisña y nos ta procesa solamente declaracion personal y no di persona cu tin su propio negoshi.

King Classic Sudoku

			1				6	
	4	9			5			2
		1		9		7		8
	6	8		7	1	2		
3				5		8		
				2			7	
				3	9		1	
5	9				6			7
		6	2		7		8	

Difficulty: ★★

8/28

Resultado Sorteo
Augustus 27

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
3861	3746	7429	1282
3863	4134	SUPER5	1187
4177	7238	-	2983

MERDIA

ANOCHI

Sorteo # 4724
9513
2462
3898
X2
Sorteo # 4724
1880
X2
Sorteo # 2780
4461
Sorteo # 4724
9513
Acaurio
Sorteo # 1598
356
X3

Sorteo # 8633
2295
5758
7146
X2
Sorteo # 7677
2017
X3
Sorteo # 2382
3406
Sorteo # 6436
2774
Capricornio
Sorteo # 1366
040
FP

Sorteo # 2622
0 x Jackpot
0 x Match 4+
5 x Match 4
188 x Afl. 12,00

01-05-14-18-32
Joker 3 Letter H
Proximo Jackpot
500.000,-

Sorteo # 6930
0 x Jackpot
8 x Match 4
164 x Afl 8,00

01-13-17-18-27
Proximo Jackpot
150.000,-

Sorteo #
0 x Jackpot
0 x match 4
0 x Afl. 500,00
0 x Afl 50,00
0 x Afl.15,00

Mega Ball
Proximo Jackpot
750.000,-

Afl. 1.125.000,-

Sorteo #

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Dakota : Aloe:
Tel. 588 7364 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Dinamarca y Groenlandia ta pidi disculpa pa legado doloroso di anticoncepcion forsa riba poblacion Inuit



(AP)—Dinamarca y Groenlandia a pidi disculpa oficialmente diaranson pa nan rol den e maltrato historico di mucha y hende muher indigena na Groenlandia, incluyendo anticoncepcion forsa riba nan, den casonan cu ta data na añanan 1960.

Jens-Frederik Nielsen, prome minister di Groenlandia, a bisa cu e asunto a ta representa “un capitulo scur den nos historia.” Prome minister Danes Mette Frederiksen a bisa cu aunke no por cambia e pasado, “nos por tuma responsabilidad.”

Casi 150 hende muher Inuit a demanda Dinamarca aña pasa y a entrega declaracionnan di compensacion contra su ministerio di Salud, bisando cu autoridadnan di Salud Danes a viola nan derecho humano ora nan a forsa nan di tuma aparatonan anticonceptivo manera IUD of coils. E aparatonan, instala den e utero, ta preveni sperma di fertilisa un eicel.

Algun hende muher—incluyendo hopi cu tabata adolescente e tempo ey—a bisa cu no a bisa nan di e detayenan di e procedura of no a duna nan permiso. Autoridadnan Danes a bisa aña pasa cu al menos 4.500 mucha y hende muher—casi mita di hende muher fértil na Groenlandia e tempo ey—a ricibi IUD entre añanan 1960 pa mita di añanan 1970.

E supuesto proposito tabata pa limita crecimiento di po-

blacion na Groenlandia por medio di preveni embaraso. E poblacion riba e isla Artico tabata aumentando rapidamente e tempo ey pa via di condicionnan di bida mehora y miho cuido medico.

E disculpa di gobierno, emití den un declaracion conhunto, ta bin prome cu un rapport anticipa otro luna y cu ta relaciona cu un investigacion den e maltrato. “Nos no por cambia loke a pasa. Pero nos por tuma responsabilidad,” Frederiksen a bisa den e declaracion. “P’esey mi kier bisa, den nomber di Dinamarca: Sorry.”

Frederiksen a bisa cu su disculpa tambe a inclui e discriminacion sistematico na Dinamarca y otro fracaso y maltrato contra ciudadanonan di Groenlandia “pasobra nan tabata di Groenlandia.” El a reconoce cu e anticoncepcion forsa a resulta den daño psicologico y fisico.

Nielsen a bisa cu gobierno di Groenlandia, cual a tuma over control di su sector di Salud for di Copenhagen na 1992, a reconoce su mesun responsabilidad den e casonan aki y ta planea pa duna compensacion na e victimanan. “Demasiado hende muher a keda afecta den un manera cu a laga cicatriznan profundo riba bida, famia y comunidadnan,” el a skirbi den un publicacion riba red social. “Mi ta sinti pa e hende muhernan aki y nan sernan keri. Y mi ta comparti nan tristesa y rabia.”

Mads Pramming, un abogado representando e muhernan, a acepta e disculpa pero a bisa cu e caso no ta cla ainda. Loke ta importa ta si gobierno ta reconoce cu e derechonan humano di e muhernan aki a ser viola y ta ofrece compensacion, el a bisa. “Awe nan a dicidi pa pidi disculpa, pa pidi despena formalmente. Y esey ta algo grandi, mi ta pensa. Pero nan no a bisa nada tocante e demanda, y posiblemente si nan no ta di acuerdo cune.”

El a agrega cu e tin speranza cu e ta representa e comienso di un intento pa repara relacionnan entre Dinamarca y Groenlandia.

Dwayne, Menezes, director di gerencia na e Iniciativa di Politica y Investigacion Polar, a bisa cu e caso ta subraya siglos di politica Danes cu a deshumanisa ciudadanonan di Groenlandia. E politicanan a inclui e anticoncepcion forsa, como tambe e separacion di muchanan Inuit for di nan mayornan pa duna na famianan Danes pa reeducacion y test di competencia mayoral cu a resulta den e separacion di famianan.

El a bisa cu mientras mayoria hende ta kere cu colonialismo y su abusonan a sucede den pasado, e victimanan di e medidanan forsa ainda ta bibo. “Si nos no reconoce e les importante cu esaki ta siña nos, nos no lo reconoce na tempo e manifestacion y recurrencia di politicanan deshumanisante asina ora nan surgi atrobe,” el a bisa.

Aurora

Royal Pray

Funeral Home & Crematory

*"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".*
Salmo: 23



Marcelo Croes

Cariñosamente yama: "Chelo, Papa Chelo"
***19-02-1952 - †19-08-2025**

Mayornan:

†Hugo Venancio y †Marianita Croes-Croes

Na number di su:

Señora: Josepha Maria Croes-Dirksz

Yiunan:

Marelda y Roberto Geerman
Sheila Croes
Lourdes y Elvis Willems
Sandra y Edgar "Popi" Kock
Marcelo Junior Croes

Nieto(a)nan: Danah, Robert, Kimberly, Chantalle, Jersey, Donnavan, Shaquille, Giovienne, Gerrick

Bisanieto(a)nan: Jearon, Jean-Geree, Jean-Nay, Jean-Ray, Jean-Dion, Raydwin, Derlainy, Khloë

Rumannan:

†Jose Dirksz y famia
†Alejandro y vda. Cornelia Croes-Werleman
†Adela Croes y famia
†Carmen Croes y famia
†Leonardo y vda. Maria Croes-Geerman
†Vicente y †Lucia Croes-Geerman y famia
Paulino y †Reinilda Croes-Dirksz y famia
†Ana y vdo. Benito Werleman-Croes y famia
Ciriaco Croes
†Eleuterio y vda. Magdalena Croes-Dirksz y famia

Swa y cuñanan:

†Miguel Dirksz
Ambrosio Dirksz y famia
Regina y †Zacharias Kelly-Dirksz y famia
Johanna Dirksz
Aura y Mario Tromp-Dirksz y famia
†Egilio Dirksz
Johny y Eveline Dirksz y famia

Sobrino(a)nan, sobre sobrino(a)nan, primo(a)nan, achterprimo(a)nan, comer y compernan, ihanan, amigo y conocirnan, su bon bisñanan y demas famia

Demas famia: Croes, Dirksz, Henriquez, Werleman, Geerman, Willems, Kock, Illis, Solognier, Everon, Lacle, Dania, Ras, Ridderstap, Greaux, Wernet, Marin, Oduber, Ten Lohuis

Nos ta invita tur famia y conocirnan pa asisti na e **acto di entierro** cual lo tuma lugar diabierna 29 di augustus 2025 na misa Inmaculada Concepcion. Nos defunto stima lo ta reposa den misa di 1:00 pa 4:00 di atardi, despues lo sali pa Santana catolico Sta Maria na Sta. Cruz.

Disculpa nos si den nos momento di tristeza nos por a lubida un of otro famia.

Nos ta lamenta cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

*Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin sufrimento
unicamente Bo Luz briyando*

Cu profundo tristesa na nos curazon, pero conforme cu voluntad di Dios, nos ta partisipa cu a bay drumi den brasa di Senor nos ruman, tanta, cuña, madrina y amiga:



FLAVIA GIRIGORIA RAS

***24 december 1941 - †20 augustus 2025**

Su mayornan:

†Bernardus Ras & †Francisca Ras

Rumannan:

†Maria Donata-Ras & †Luis B. Donata
†Max (Chomon) & Olga Maria Ras
†Antonia (Ninita) Dania-Ras & †Simon Dania
†Chida Maduro-Ras & †Tommy Maduro
Annie Ras
Frida Ras
Olivia Croes-Ras & Oswald Croes
†Milo Ras & Mabel Ras-Kock
Helen A. Ras

Sobrino y sobrinanan: †Franklyn Donata, Rhudy Donata, Richard Donata, Judith Wever, Rene Donata, Swinda Winterdaal, Wilfred Ras, Oslin Ras, Mariska Weustink, Enveline Oduber, Erwin Dania, Jeanine Dania, Lisette Tuthill, Eugene Maduro, Xiomara Maduro, Kenneth Luidens, Charlene Croes, Rusette Croes, Jundira Yrausquin, Jamire Ras.

Ta invita primo y primanan, comer y compernan, amigo y conocirnan pa e **acto di entierro** cu lo tuma lugar diabierna 29 di augustus 2025 for di 1 pm - 4 pm na Aurora Funeral Home. Despues lo sali pa su ultimo luga di descanso na Santana Catolico di Paradera.

Lo bay tin un box disponibel pa contribucion pa stichting H.O.P.E.

Nos disculpa cu despues di entierro no por ricibi bishita di condolencia na cas.

Aurora

Royal Pray

Funeral Home & Crematory

*"Señor ta mi wardador, mi'n tin falta di nada Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".* **Salmo: 23**

Cu dolor na nos curason, pero conforme cu Dios su boluntad, Nos ta participa fayecimento di:

Filomena Maria Maduro Paskel

Cariñosamente yama "Meme" of "Mechi"
***23-10-1942 - †22-08-2025**

Acto di despedida lo wordo anuncia despues.



Aurora

Royal Pray

Funeral Home & Crematory

*"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".*
Salmo: 23



Cu dolor na nos curason, nos ta participa fayecimento di nos ser stima:

Emelina Thiel

Cariñosamente yama "Melina of Jin"
***02-11-1940 - †25-08-2025**

Acto di despedida lo wordo anuncia despues

Aurora

Royal Pray

Funeral Home & Crematory

*"Señor ta mi wardador, mi'n tin falta di nada Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".*
Salmo: 23



Nos ta anuncia fayecimento di:

Lodewica Faro

***02-08-1933 - †26-08-2025**

Ta invita pa e acto di entierro cu lo tuma lugar diasabra 30 di augustus 2025 na Aurora Funeral Home di 9:00 pa 11:00 am, despues lo sali pa Santana catolico na Noord

Aurora

Royal Pray

Funeral Home & Crematory

*Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.*
Autor: Cado Wever

Cu dolor na nos curason, nos ta participa fayecimento di:



Renee Joëll Paesch

***30-11-1990 - †23-08-2025**

Acto di entierro lo wordo anuncia despues

Australia, Canada y Filipinas ta organisa ehercicio di defensa aereo cerca di bahio disputa guardia pa China



(AP)—Australia, Canada y Filipinas a desplega tres barco di guerra y aeronave diaranson pa ehercicionan contra menasa aereo simula den cercania di e bahio di South China Sea unda forsanan Chines a usa maniobranan riesgoso pa purba contraresta aeronave y barconan di Manila.

E ehercito Filipinas a bisa cu e ehercicio naval di e Bahio Scarborough a conclui seguramente, y e no a menciona cualkier encuentro cu guardia costa Chines, marina y barconan militante cual ta guardiando e region pa años.

Oficialnan Chines no a emiti ningun comentario ainda riba e ehercicio naval pero nan a adverti repetidamente cu nan lo defende e bahio y awanan profundo, cual nan ta declara

como territorio di Beijing, cueste lo que cueste. China y Filipinas ta declara Scarborough y otro islanan y rifnan den e South China Sea. Vietnam, Malaysia, Brunei y Taiwan tambe tin declaracion den e ruta maritimo ocupa, un ruta clave di comercio global.

Merca no tin declaracion pero a cuestiona esun di China pa virtualmente henter e paisahe marino, incluyendo e Scarborough. Dos barco di guerra Mericano a nabega cerca di e bahio e luna aki pa promove libertad di nabegacion y a ser sombra pa un barco di marina Chines.

Nabegando for di un provincia Filipinas, e destroyer HMAS Brisbane di e Marina Real Australiano, e fragata marino di Canasa HMCS Ville de Quebec y un fragata BRP Jose Rizal

di Filipinas a conduci ehercicionan den oriente di e bahio, incluyendo e “ehercicionan di defensa aereo cu a destaca e capacidad di participante pa contraresta menasanan aereo simula via maniobranan coordina,” e ehercito Filipinas a bisa den un declaracion breve.

Grabacion di video y imagen emiti pa e ehercito Filipinas a mostra al menos tres fighter jets bulando den shelo durante e ehercicionan mientras dos helicopter di combate a bula separadamente cerca di e fragata marina di Filipinas. “E participacion aki ta reafirma e compromisonan di e Forsanan Arma di Filipinas pa avansa cooperacion di defensa cu nacionnan cu interes comun,” el a bisa.

E ehercicionan tabata entre e ultimo actividadnan di e ehercicionan militar mas grandi cu Australia a organisa cu Filipinas y cu a involvi mas cu 3.600 personal militar pa 15 dia di fuego y maniobranan di bataya cu lo termina diabierna.

Canada y varios partner di seguridad a manda forsanan militar como observadornan. Un di e puntonan di bataya



mas sensitivo den Asia, e bahio di Scarborough ta guardia pa forsanan Chines, cual a sufrí di un atraso dia 11 di augustus ora un barco di marina Chines a accidenta cu un barco di guarda costa Chines mientras e tabata purba blokea un nave di guarda costa Filipinas cerca di e bahio.

Dos dia despues di e colision Chines, e U.S. Navy a desplega un destroyer di misil guia y un barco di combate litoral cu a nabega casi 55 kilometer for di Scarborough den loke el a

yama libertad di operacionnan di nabegacion pa desafia China su declaracionnan territorial. E barconan di marina Mericano a ser sigui di cerca pa un barco di marina Chines pero no a reporta ningun incidente problematico.

Filipinas ta e aliado di tratado mas bieu di Merca den Asia. Washingtona adverti repetidamente cu e ta obliga pa defende Filipinas si forsanan Filipinas cay bao atake arma, incluyendo den e South China Sea.

Politico Sur Africano critica pa Trump a ser haya culpable di discurso di odio



(AP)—Un politico Sur Africano acusa pa e administracion di Trump di ta lidera un movimiento anti-blanco a ser haya culpable di discurso odioso diaranson pa comentarioman racial cu el a haci den 2022.

Julius Malema, ken ta e lider di un partido di oposicion chikito, a ser haya culpable pa un corte di igualdad tocante comentarioman cu el a haci durante un rally politico. “Ningun homber blanco ta bay golpia mi y mi ta yama

mi mes un revolucionario e siguiente dia,” Malema a bisa durante e rally. “Bo nunca mester tin miedo pa mata. Un revolucion ta existi cu na dado momento mester tin asesinato pasobra esaki ta parti di un acto revolucionario.” Malema a ser haya culpable anteriormente di discurso odioso den un caso separa pa ripiti un canto di e era di apartheid na rallynan cu ta contene e palabranan “tira e boer.” E decision pa hay’e culpable di discurso odioso den e caso ey a ser anula mas despues.

Malema, ken ta lidera e partido isquierdista Luchadornan di Libertad Economico, a aparece den un video cu presidente Mericano a muestra den e Oficina Oval durante un reunion cu lider Sur Africano Cyril Ramaphosa na mei. E video a ser usa pa confronta Ramaphosa cu declaracionnan falso cu e gobierno Sur Africano tabata permitiendo asesinato di campesinonan blanco pa confisca tera.

E acusacion ta den centro di

e movida di e administracion di Trump pa recorta tur asistencia financiero pa Sur Africa tocante loke e ta yama e politicanan anti-blanco y anti-Mericano di e gobierno. Gobierno di Sur Africa ta bisa cu e critica Mericano ta basa riba desinformacion.

Malema, ken ta un legislador pero no den gobierno, a ser frecuentemente condena den su mesun pais pa su discurso politico. Dos biaha a neng’e visa pa biaha pa Reino Uni e aña aki pa via di su de-

claracionnan publico, cual ta inclui sosten pa e grupo militante Palestino, Hamas.

Cortenan di igualdad na Sur Africa ta deal especificamente cu acusacionnan di discriminacion, discurso di odio y acoso basa riba rasa, genero of orientacion sexual. Nan por duna orden na esnan culpable pa emiti un disculpa publico, paga compensacion of recomenda nan pa persecucion criminal. No a emiti ningun orden pa Malema su castigo den e caso aki.



Merca ta organisa negociacion tocante Gaza post guerra mientras Israel ta yama e evacuacion di Gaza City ‘inevitabel’

AP) — Funcionarianan Israeli y Mericano a reuni diaranson na Washington pa discuti Gaza post guerra, mientras cu e ehército di Israel a yama e evacuacion di Gaza City “inevitabel” prome cu un ofensiva nobo y sin señal di un alto-al-fuego den bista.

E reunion a tuma lugar durante indignacion creciente tocante e dobel atake Israeli di e siman aki riba un hospital sur di Gaza cu a mata periodista, respondedor di emergencia y otronan. E cifra di morto for di e atake riba Hospital Nasser a subi te na 22 despues cu dos persona mas a muri diaranson, segun funcionarianan di salubridad di Gaza.

E ehército Israeli, cu a bisa lo investiga, no a ofrece ningun splicacion inmediato pa a ataca dos biaha y ningun evidencia pa un afirmacion cu 6 di e mortonan tabata militante. Secretario di Estado Marco Rubio a reuni cu Minister di Asunto Externo di Israel Gideon Saar na e Departamento di Estado. Rubio a smile pa camara mientras periodistanan tabata grita pregunta, pero niun di e dos homber no a responde durante un evento cortico.

E enviado Mericano Steve Witkoff a bisa Fox News diamars cu presidente Donald Trump lo presidi despues un reunion separa, cu lo inclui “un plan hopi comprensivo.” E no a ofrece detaye tocante e reunion, cu no a aparece riba e orario publico di Trump pa diaranson. Witkoff tambe a

bisa cu e posicion oficial di Merca tabata cu rehen — e fuente principal di palanca di Hamas — no mester ta parti mas di negociacionnan. El a bisa Fox News cu e negociacionnan mester enfoca riba asuntonan manera e futuro di Gaza y con pa defini Hamas den e contexto ey.

Manera un cifra creciente di lidernan internacional urgiendo Israel pa reconsidera su ofensiva y compromete na negociacionnan, Papa Leo XIV a pidi pa Israel stop “castigo colectivo” y desplazamento forsa di palestinonan den Gaza.

Israel ta prepara Gaza City pa un evacuacion

Gruponan di ayudo ta alerta cu un ofensiva militar expandi di Israel por empeora e crisis humanitario den e teritorio, caminda mayoria di mas cu 2 miyon residente a ser desplasa, bario ta den ruina y un hambruna a ser declara den Gaza City.

E ehército Israeli a bisa residentenan di Gaza City diaranson pa prepara pa banda.

“E evacuacion di Gaza City ta inevitabel,” e vocero Avichay Adraee a skirbi na Arabe riba X. El a bisa cu e forsan Israeli a inspecciona areanan basta bashi sur di e stad “pa asisti e residentenan evacuando mas hopi posibel.” El a bisa cu e desplasadonan lo ricibi espacio pa tent, y infraestructura lo ser estableci pa distribui ayudo y awa.

Mas cu 80% di Gaza ta designa como zona militar Israeli of suheto na orden di despla-



samento, segun e agencia humanitario di UN na juni.

Israel a sigui adelante cu plan pa mobilisa dies miles di reservista. Prome minister Benjamin Netanyahu a bisa cu e ehército lo lansa su ofensiva mientras simultaneamente ta persigui un alto-al-fuego. Hamas a bisa siman pasa cu nan a acepta un plan di alto-al-fuego di mediadornan Arabe.

Qatar, cu rara bes a asigna culpa durante mas cu un año di mediacion, a bisa diamars cu Israel ainda no a responde oficialmente y “no kier yega na un acuerdo.” Siman pasa, un funcionario di Qatar a bisa cu e proposicion bao di discusion tabata “casi identico” na un propuesta anterior cu Witkoff a presenta y Israel a acepta.

E tratado cu ta supuesta-

mente bao di discusion lo inclui un tregua di 60 dia, e liberacion di casi 50 rehen restante manteni pa Hamas en cambio pa centenares di preso Palestino, un aumento di ayudo humanitario den Gaza y un mapa di caminda pa negociacion riba un alto-al-fuego duradero.

Hopi den e coalicion di Netanyahu ta opondre tal acuerdo. Alabes, protesta a aumenta na Israel mientras famianan di rehen y nan sostenedornan ta presiona pa un alto-al-fuego. E gobierno ta argumenta cu un ofensiva amplia ta e mihor manera pa trece nan cas y debilita e capacidad di Hamas pa lansa atake den futuro.

Hospital ta reporta atake cerca sitio di ayudo

Por lo menos 39 Palestino a ser mata y decenas herida diaranson rond di e Franha di Gaza, di cual mayoria a muri den atake y tiro Israeli, segun funcionarianan di salubridad di Gaza.

Den norte di Gaza, funcionarianan di e hospital principal di e area, Al-Shifa, y dos hospital di campamento, a bisa na AP cu aproximadamente 20 Palestino a ser mata pa tiro y atake Israeli, incluyendo por lo menos 5 persona buscando ayudo cerca di e crusada Zikim den nort-west di Gaza. E trucknan di ayudo di UN cu rutinariamente ta dreña e area via e crusada ta ser presiona repetidamente pa ladron y hende desespera buscando ayudo.

Mahmoud Balousha, 36 año, a bay e crusada pero a bolbe diaranson cu solamente len-

teha.

“Ta mesun cos tur dia. Nos ta bay pa haya un poco cuminda pa nos famia, pero ladron ta subi riba e truck pa haya e ayudo, y tin poco ta resta pa nos trece cas,” Balousha a bisa na AP via mensahe di texto. “Ora caos sucede,” tropanan Israeli “ta lansa tiro dirigi na e multitud di hende, y hende ta core bay den tur direccion.”

E atakenan dialuna na Hospital Nasser a mata 22 persona, incluyendo Mariam Dagga, un periodista visual independiente cu a traha pa The Associated Press y otro publicacion. Su ultimo potret ta mostra un trapi dañu algun momento prome cu el a muri.

E ehército Israeli no a responde inmediatamente na preguntanan tocante e atakenan. Su ofensiva a mata casi 63.000 Palestino durante e guerra, segun e Ministerio di Salubridad di Gaza, cu ta bisa cu rond di mita tabata muhe y mucha. E agencia no ta distingui entre soldad y ciudadano den su cifra.

E ministerio a bisa diaranson cu 10 persona mas a muri di causanan relaciona cu desnutricion durante e 24 ora cu a pasa, loke a hisa e cifra total na 313 persona durante e guerra, incluyendo 119 mucha. E ministerio ta parti di e gobierno dirigi pa Hamas y tin personal profesional medico. E expertonan independiente di UN ta consider’e fuente mas confiabel riba victima di guerra. Israel ta rechasa su cifra pero no a divulga su propio cifranan.



Forsanan Ruso ta invadi otro region di Ucrania mientras esfuerzo di paz ta keda stanca

(AP)—Rusia su forsanan a invadi di ocho region na Ucrania, segun un oficial militar di Ucrania a bisa diaranson, buscando pa captura mas tera den e guerra mientras esfuerzonan di paz ta lucha pa haya atraccion.

Algun tropa Ruso a dreña e pueblonan di Novoheorhiivka y Zaporizke den e region di oriente di Dnipropetrovsk, un centro industrial importante na Ucrania banda di e region Donetsk unda combatimento feroz ta tumando lugha, Victor Trehubov, vocero pa e forsanan local riba tera, a conta AP via telefon.

Ministerio di Defensa Ruso a bisa na comienso di luna cu su forsanan a tuma dos pueblo.

Pero e Rusonan no a instala fort of duin eynan, y combate ta continuando den e pueblonan, Trehubov a bisa. Tropanan Ucraniño ta bao presion severo mientras nan ta purba wanta e ehército Ruso atras. analistanan militar a bisa cu no tin ningun señal di collapse den defensa Ucraniño y ta nota cu forsanan Ruso no por tuma ciudadnan grandi, pero nan trayecto lento den areanan rural ta mantene Ucrania bao presion.

E liña di frenta, unda dies miles tropa di ambos banda a ser mata, ta core pa casi 1.000 kilometer riba frontera di Ucrania y Rusia. Forsanan Ruso ya ta den Sumy, Kharkiv, Luhansk, Donetsk, Zaporizhzhia, Kherson, Mykolaiv.

Lidernan Occidental a acusa presidente Ruso Vladimir Putin di tarda den e esfuerzonan di paz y evadi negociacionnan serio mientras tropanan Ruso ta move mas paden den Ucrania. Presidente Mericano Donald Trump a critica diamars e tardansa di Putin riba un propuesta Mericano pa discusionnan di paz directamente cu presidente Ucraniño Volodymyr Zelenskyy. Trump a bisa diabierna cu e ta anticipa pa dicidi riba e proximo stapnan den dos siman si no programa e discusionnan directo.

Ucrania a acepta propuestanan di Merca pa un cumbre cu Putin y un alto al fuego. Rusia tambe a critica Merca y plannan Occidental pa establece garantianan di seguridad despues di guerra pa Ucrania, cual ta presenta medio pa un



otro invasion Ruso den futuro si yega un acuerdo di paz awor.

E posible garantianan di seguridad por inclui e despliegue di tropanan Europeo

den Ucrania. Pero vocero di Kremlin Dmitry Peskov a reitera diaranson cu soldadnan di paisnan miembro di NATO lo ta inaceptable pa Moscu.

Presidente di Turkia ta revela sistema di defensa aereo "Steel Dome"



(AP)—Presidente Turco Recep Tayyip Erdogan a inaugura formalmente diaranson e sistema di defensa aereo integra di Turkia conoci como e "Steel Dome," cual el a describi como un momento historico pa e pais y su industria di defensa.

"E sistemanan aki ta un muestra di Turkia di forza," Erdogan a bisa durante un evento na e facilidadnan di defensa di contratante Aselsan. "Den defensa aereo nos ta dreñando un era nobo pa nos kerido Turkia."

Gobierno di Erdogan a anuncia na augustus aña pasa e comienso di desaroyo di e Steel Dome, cual ta integra plataforma di defensa aereo basa riba tera y lama y sensoran den un red pa protege Turkia su shelonan.

Erdogan a bisa cu e ultimo fase di e proyecto a consisti di 47 vehiculo na balor di 460 milyon dolar cu lo "inspira confianza den nos amigonan y miedo den nos enemigonan." E gobierno no a bisa exactamente ki ora e sistema lo ta completamente operacional.

"Ningun pais cu no por desaroya su mesun sistema di

defensa aereo y radar por mira su futuro cu confianza memey di retonan di seguridad, specialmente den nos region," Erdogan a bisa.

Turkia a busca den pasado pa mehora nan defensa aereo por medio di adkiri sistemanan misil s-400 for di Rusia na 2019. E movida ey, sinembargo, a mira e pais kita un programa di stealth jet F-35 lidera pa Merca den un atraso pa Ankara su metanan di defensa.

Conflictonan den cercania na Siria y Ucrania, como tambe Israel su atakenan recien riba Iran, a aumenta e necesidad pa desaroya sistemanan di defensa miho. E presidente tambe tabata revelando facilidadnan di produccion nobo na Aselsan cu ta programa pa habri na 2026. "Den e proximo 50 añanan, Turkia lo ta e pais cu no ta solamente cumpli cu su mesun necesidad pero tambe lidera mundo cu su tecnologia," Erdogan a bisa.

Turkia a inverti hopi den su defensa aereo, buscando pa bira autosuficiente den arma desde cu el a bira suheto na un embargo di arma pa Merca como respuesta na e invasion di Chipre na 1974.

100 Years Of Superior Experiences

MEGA

CAR SALES 2025

22 di augustus – 6 di september

Tur e señalnan cu bo tabata wardando:

On-the-Spot Approval	0% Downpayment	Cuminsa paga te na maart 2026	Financiamiento te cu 7 aña*
----------------------	----------------	-------------------------------	-----------------------------

GANABO AUTO

TE NA BALOR MAXIMO DI AWG 100,000!*

MEGA NIGHT

September 6 5:00 - 9:00 pm

Aruba Bank Camacuri

Scan pa mas informacion

Arubabank

*Condicionan Aplicabel
Bishita www.arubabank.com/MEGA